

摘藻堂四庫全書薈要

子部

欽定四庫全書薈要

子部

御定淵鑑類函卷四百二十一

欽定四庫全書薈要卷一萬一千八百六十九

子部

御定淵鑑類函卷四百二十一

鳥部四

孔雀

鸚鵡

秦吉了

時樂鳥

雉

鷓鴣

孔雀一

原春秋元命苞曰火離為孔雀

增本草釋名曰孔雀

一名越鳥梵書謂之摩由邏

異物志曰孔雀形體既

大細頸隆背似鳳皇自背及尾皆作圓文五色相繞如
帶千錢文長二三尺頭戴三毛以為冠足有距迎晨則



鳴相和 埤雅曰尾有金翠五年而後成初春乃生三
四月後復凋與花萼俱榮衰尤自珍愛遇芳時好景聞
絃歌必舒張翅尾盼睐而舞性妬忌自矜其尾雖馴養
已久遇婦女童子服錦綵者必逐而啄之山栖時先擇
貯尾之地然後置身欲生捕之者候雨甚往擒之尾濡
而重人雖至猶愛其尾不復騫揚也 虞衡志曰孔雀
生高山喬木之上人探其雛育之喜卧沙中以沙自浴
自拍甚適雄者尾長數尺金碧晃耀時自奮張其尾團

如錦輪 紀聞曰羅州山中多孔雀羣飛者數十為偶

雌者尾短無金翠雄者生三年有小尾五年成大尾山谷民烹食之味如鵝解百毒人食其肉飲藥不能愈病其血與其首解大毒南人得其卵使雞伏之即成其脚稍屈其鳴若曰都護土人取其尾者持刀於叢篁可隱之處自蔽伺過急斷其尾若不即斷迴首一顧金翠無復光彩 嶺南異物志曰交趾郡人多養孔雀或遺人以充口腹或殺之以為脯腊人又養其雛為媒旁施網

畧捕野孔雀伺其飛下則牽網橫掩之採其金翠毛裝
為扇拂或全株生截其尾以為方物云生取則金翠之
色不減 原續漢書曰西南夷滇池出孔雀 又曰西

域條支國出孔雀 西域傳曰罽賓國出孔雀 增後

魏書曰龜茲國孔雀羣飛山谷間人取養而食之字乳
如雞鷺王家恒千餘隻 原楊孝元交州異物志曰孔

雀人拍其尾則舞 增增益經曰孔雀有九德一顏貌
端正二音聲清徹三行步翔序四知時而行五飲食知

節六常念知足七不分散八少婬九知反覆以此喻比

丘之行儀也

酉陽雜俎曰孔雀因雷聲而孕

北戶

錄曰孔雀不匹以音影相接而孕或雌鳴下風雄鳴上

風亦孕

冀越集曰孔雀雖有雌雄將乳時登木哀鳴

蛇至即交故其血膽尤傷人

墨莊漫錄曰孔雀毛著

龍腦則相綴禁中以翠尾作帚每幸諸閣擲龍腦以辟

塵穢過則以翠尾帚之皆聚無遺者亦若磁石引鍼琥

珀拾芥物類相感然也

原鹽鐵論曰南越以孔雀珥

門戶崑山之旁以玉抵烏鵲今貴人之所賤珍人之所

饒非所以厚中國也 楚辭曰孔蓋兮翠旌

注孔雀之羽為車蓋

增太玄經曰禮首孔鴈之儀利用登於階

言孔雀有序文雁有序

其象皆中禮故利用登於階也

孔雀二

原周書曰成王時西方人獻孔雀 神仙傳曰蕭史吹

簫常致孔雀 漢書曰尉陀獻文帝孔雀二雙

郭子

曰梁國楊氏子年九歲甚聰慧孔君平詣其父父不在

乃呼兒出為設果有楊梅孔指以示兒此實君家果兒

應聲答曰未聞孔雀是夫子家禽

一本作孔文舉詣楊修

魏文

帝詔問朝臣曰前于闐王山習所上孔雀尾萬枝文彩
五色以為金根車蓋遙望耀人眼 晉公卿贊曰世祖
時西域獻孔雀解人語彈指應節起舞 增述異記曰
宋武帝大明五年廣郡獻白孔雀以為中瑞 隋煬帝
大業十年有二孔雀自西苑飛集朝堂百官稱賀

孔雀三

原絳羽

戴冠

文孔雀絳羽而朝翔

為裘

珥戶

齊書文惠

太子絳孔雀毛為裘

下詳孔雀一鹽鐵論

常致

相存

蕭史吹簫詳孔雀二長門賦

孔雀集而相存

增中瑞

南客

上詳孔雀二述異記李昉名孔雀曰南客一名孔雀都護

一名文禽

珠毛

翠角

海錄碎事曰孔雀尾端一寸名曰珠毛下見韓愈詩

夢

羽

寫貌

齊書曰武帝年十三夢人以筆畫身左右為兩翅又著孔雀羽衣裳空中飛舉畫斷曰

貞元中新羅國獻孔雀解舞德宗召邊鸞於真武門寫貌一正一背翠綵生動金鈿遺妍若運清聲宛應舞節

飾素

畫屏

南蠻盤盤以孔雀羽飾素高祖寶后畫雀屏事詳見后妃

裁修

尾

煥金華

上見鍾會賦下見韓愈詩

友鸞鳳

巢雲海

上見韓愈

詩 下見
白居易詩

孔雀四

原生遐裔

孔雀生

戲家禽

孔文舉詣楊修詳孔雀二

白色

宋孝武大

明五年新昌軍獻
詳孔雀二述異記

文彩

于闐國獻

增辟惡

段氏云孔雀辟惡

偶蛇

紀聞云盧肇在南海見從事王軒有孔雀一日奴

耳又禽經云鵲見蛇則噪

高止

禽經孔雀愛毛遇雨高止

斷尾

嶺表異錄孔雀翠尾自累其身比夫雄雞自斷其尾

持翼

南蠻志婆利王左右持孔雀翼

鉦

棲孔帖西舍利樂鉦棲孔雀

不可食膽

孔雀食蝮蛇血膽最毒

不可入目

衍義孔雀不可入目昏翳人眼

孔雀五

增詩唐杜甫赤霄行曰孔雀未知牛有角渴飲寒泉逢
抵觸赤霄懸圃須往來翠毛金花不辭辱 武元衡詩

西川使宅有韋太尉時孔雀存焉暇日因與諸公同翫
座中兼故府賓御興歎者久之因賦是詩用廣其意曰
荀令昔居此故巢留越禽動搖金翠尾飛舞玉池陰上
客撤瑤瑟美人傷蕙心會因南國使歸放海雲深 白

居易和詩曰索莫少顏色池邊無主禽難收帶泥翅易
結著人心頂翠落殘碧尾花銷暗金放歸飛不得雲海
故巢深 韓愈和詩曰穆穆鸞鳳友何年來止茲飄零

失故態隔絕抱長思翠角高獨聳金華煥相差坐蒙恩
顧重畢命守堦墀 王建和詩曰孤號秋閣陰韋令在

時禽覓伴海山黑思鄉橘柚深舉頭聞舊曲顧尾惜殘
金顚顚不飛去重君池上心 李商隱和孫朴韋蟾孔

雀詠曰此去三梁遠今來萬里攜西施因網得秦客被

花迷可在青鸚鵡非關碧野雞約看憐翠羽刮目想金
篴瘴氣籠飛遠蠻花向座低輕於趙皇后貴極楚懸黎
都護矜羅幕佳人炫繡袿屏風臨燭釵捍撥倚香臍舊
思牽雲葉新愁待雪泥愛堪通夢寐畫得不端倪地錦
排蒼雁簾釘鏤白犀曙霞星斗外涼月露盤西妬好休
誇舞經寒且少啼紅樓三十級穩穩上丹梯 薛能孔
雀詩曰偶有功名正俗才靈禽何事降瑤臺天仙黼黻
毛應是宮后屏幃尾忽開曾處嶂中真霧隱每過庭下

似春來佳人為我和衫拍遣作傴僂送一杯 李郢孔

雀詩曰越鳥青春好顏色晴軒入戶看沾衣一身金翠

畫不得萬里山川來者稀絲竹慣聽時獨舞樓臺初上

欲孤飛刺桐花謝芳草歇南國同巢應望歸 宋梅堯

臣賦孔雀送魏殊曰置從南海枕榔林籠入西州鸚鵡

地聳觀翕翼修尾張鱗鱗團花金縷翠一身爛漫文章

多引聲笙竽奈老何五侯池館不可戀桂樹深枝自有

窠 劉克莊鄰家孔雀詩曰初來毛羽錦青葱今與家

雞飲啄同童子有時偷翦翅主人長日少開籠嶠南歲
月幽囚裏隴右山川夢寐中因笑世間真贋錯繡身翻
得上屏風

原賦魏楊修孔雀賦曰魏王園中有孔雀久在池沼與
衆鳥同列其初至也甚見奇偉而今行者莫視臨淄侯
感世人之待士亦咸如此故興志而作賦并見命及遂
作賦曰有南夏之孔雀同號稱於火精寓鶉虛以挺體
含正陽之淑靈首戴冠以飾貌爰龜背而鸞頸徐軒翥

以俯仰動止步而有程 鍾會孔雀賦曰有炎方之偉
鳥感靈和而來儀稟麗精以挺質生丹穴之南垂戴翠
毛以表弁垂綠綈之森纚裁修尾之翹翹若順風而揚
麾五色點注華羽參差鱗交綺錯文藻陸離丹口金輔
黝目素規或舒翼軒峙奮迅洪姿或蹀足躊躇鳴嘯郁
尹 晉左九嬪孔雀賦曰戴綠碧之秀毛擢翠尾之脩
莖飲芳桂之凝露食秋菊之落英耀丹紫之候燦應晨
風以悲鳴

鸚鵡一

原萬畢術曰乾翠一名鸚鵡斷舌可使言語 許慎說

文曰鸚鵡能言鳥也鸚從鳥嬰聲鵡從鳥母聲 增本

草釋名曰按字說云鸚鵡如嬰兒之學母語故字從嬰

母亦作鸚鵡熊太古云大者為鸚鵡小者為鸚哥則鵡

義又取乎此梵書謂之臊陀 原山海經曰黃山及數

歷之山有鳥焉其狀如鵲赤喙人舌能言名曰鸚鵡

郭璞

云鸚鵡舌似小兒舌有五

色者亦有純白純赤者

廣州記曰根杜出五色鸚

鵙 吳時外國傳曰扶南東有漲海海中有洲出五色

鸚鵡

南方異物志曰鸚鵡有三種青大如烏白一種

白大如鵝鴝一種五色大於青者交州巴南盡有之五

色者出杜薄州

增又曰凡鳥四指三向前一向後其

目下瞼

音檢音割

上此鳥兩指向前兩指向後四趾齊分

兩瞼俱動如人目

本草集解曰鸚鵡有數種綠鸚鵡

出隴蜀而滇南交廣近海諸地尤多大如烏鵲數百羣

飛南人以為鮓食紅鸚鵡紫赤色大亦如之白鸚鵡出

西洋南番大如母雞五色鸚鵡出海外諸國大於白而

小於綠者性尤慧利或云雄者喙變丹雌者喙黑不變

張思正倦游錄云海中有黃魚能化鸚鵡此必又一種

也桂海禽志曰白鸚鵡大如小鵝亦能言羽毛玉雪

以手撫之有粉粘著指掌如蛺蝶翅張華曰鸚鵡人

以手撫拭其背則瘡癒矣故禽經云鸚鵡摩其背而瘡

鸚鵡翦其舌而語廣南新春十州多鸚鵡食木葉榕

實凡養之俗忌以手頻觸其背犯者即多病顛而死土

人謂為鸚鵡瘡 彙苑曰鸚鵡瘡余嘗親驗之然此物
出南方稍北中冷則發瘡噤戰如人發寒熱以柑子飼
之則愈不然必死 原禮記曰鸚鵡能言不離飛鳥
淮南子曰鸚鵡能言而不可使長言是得其所言不得
其所以言

鸚鵡二

原劉艾漢帝傳曰興平元年益州蠻夷獻鸚鵡三詔曰
往者益州獻鸚鵡三枚夜食三升麻子今穀價騰貴此

鳥無益有損可付安西將軍楊定因令歸本土 諸葛

恪在吳主座有鳥飛過恪曰白頭翁張昭在座疑恪譏

之乃曰恪欺陛下不聞有鳥名白頭翁若有請覓白頭

母恪問鳥有鸚母請覓鸚父昭不能對 異苑曰張華

有白鸚鵡華每出行還輒說僮僕善惡後寂無言華問

其故鳥曰見藏甕中何由得知公後在外令喚鸚鵡鸚

鵡曰昨夜夢惡不宜出戶公猶強之至庭為鸚所搏教

其啄鸚脚僅而獲免 沈約宋書曰謝莊為太子庶子

時南平王鏐上赤鸚鵡普詔羣臣為賦太子左衛率府
袁淑文冠當時作賦畢賁以示莊莊賦亦竟淑見而歎
曰江東無我卿當獨步我若無卿亦一時之傑也遂隱
其賦 劉義慶宣驗記曰有鸚鵡飛集他山山中禽輒
相愛重鸚鵡自念雖樂不可久也便去後數月山中大
火鸚鵡遙見便入水濡羽飛而灑之天神言汝雖有志
意何足云也對曰雖知不能救然嘗僑居是山禽獸行
善皆為兄弟不忍見耳天神嘉感即為滅火 增幽怪

錄曰隋開皇中柳歸舜自巴陵泛舟遇風吹至君山因
維舟至一處有鸚鵡數十相呼姓字有名武遊郎阿仙
郎阿蘇兒者有名自在仙武仙郎踏蓮露者有名鳳花
臺戴蟬兒多花子者或有善歌者因問歸舜所來及姓
字乃曰為足下轉達桂家十三娘子因遙呼曰阿春此
間有客有青衣乘雲而下為之設食忽一道士自空飛
下投一尺綺與歸舜曰以此掩眼即去矣歸舜從之身
如飛却墜以達舟所舊唐書曰貞觀十八年陀洹國

獻白鸚鵡毛羽皓素頭上有紅毛數十垂與翅齊 明

皇雜錄曰開元中嶺南獻白鸚鵡養之宮中歲久馴擾
聰慧洞曉言詞上及貴妃皆呼雪衣女授以詞臣詩篇
數徧便諷誦上每與貴妃及諸王博戲上稍不勝左右
呼雪衣娘必飛入局中鼓舞以亂其行列或啄嬪御及
諸王手使不能爭道忽一日飛上貴妃鏡臺語曰雪衣
娘昨夜夢為鷺鳥所搏將盡於此乎上使貴妃授以多
心經以禳之後從校獵戲於殿上忽有鷹搏之而斃上

與貴妃歎息久之遂命瘞於苑中為立冢呼為鸚鵡冢

松楸錄曰明皇時以林邑國進白鸚鵡慧利之性特

異常者因暇日以金籠飾之示於三相上再三美之時

蘇頲初入相每以忠謹勵已因前進云鸚鵡能言不離

飛鳥臣願陛下深以為念唐李繁淵聖遽廬曰東都

有人養鸚鵡以其慧甚施於僧僧教之能誦經徃徃架

上不言不動問其故對曰身心俱不動為求無上道及

其死焚之有舍利宋志曰建隆二年隴州貢黃鸚鵡

上以為瑞遂作金鸚鵡等旗中書舍人王著獻頌因以
為規詔褒之 春渚紀聞曰有韓奉議者為隴州通守

家人得鸚歌忽語家人曰鸚歌數日來甚思量鄉地若
得放鸚歌即生死無忘也家人聞其語甚憐之即與解
所繫縋線遂振翼望西而去家人輩悵然者久之謂必
無遠達之理至數月舊任有經使何忠者自隴州差至
京師始出州城因憩一木下忽聞木杪有呼急足者忠
仰首視之即有鸚歌且顧忠曰你記得我否我便是韓

通判家所養鸚鵡歌也你到京師切記為我傳語通判宅
眷鸚鵡歌已歸到鄉地甚快活深謝見放也忠咨嗟而行
至都遂至韓第問鸚鵡歌所在具言其所見舉家驚異且
念其慧黠及能偵候何忠傳達其言為可念也 綠雪

亭雜言曰宋高宗宮中養鸚鵡數百皆能言高宗一日
問之曰思鄉否曰思鄉遂遣中貴送歸隴山後數年有
使者過隴山鸚鵡問曰上皇安否使者賦詩云隴口山
深草木荒行人到此斷肝腸耳邊不忍聽鸚鵡猶在枝

頭說上皇

一本作徽宗使者為郭浩

彙苑曰明鎮守太監遣人往

百夷求得黃鸚鵡獻於京師

鸚鵡三

原緇翼

翠衿

上見曹毗賦下見禰衡賦

丹足

紫毛

上見傅奕賦

孫暢異物志曰鸚鵡其毛色或蒼綠或紫赤喙曲如鵝而目深行如鳩雀而能效人言故見殊貴

擇

林啄蕊

上見禰衡賦下見郭璞贊

如雞

似鵝

上詳鸚鵡一本草集解

一

下詳鸚鵡一山海經

通夢憂賢

感神滅火

周宣夢書曰鸚鵡為亡人居宅也夢

見鸚鵡憂亡人也其在堂上憂賢豪也

綠衣

朱味

見傅奕賦

綠襟 紫頸 赤羽 黝領 慧性 竒姿 靈息

殊智 紅臆 紺趾 金目 丹觚 自然之姿

哿笑之性 上文下能言 增靈禽 隴客 異物志曰鸚鵡西域靈禽能言凡鳥

鸚 李昉名鸚 金精 火德 隴城西方為金故曰金精

禰衡 賦語 訴寒 問主 孔帖曰貞觀五年林邑獻五色鸚鵡數訴寒適新羅獻美女二人魏

徵諫以為不當受太宗乃曰林邑鸚鵡猶自言寒思歸況人之遠別乎并鸚鵡各付其使還之 邵氏聞見錄

曰關中賈得鸚鵡於隴山能言愛之賈偶以事陷縲紲既脫而歎快不已鸚鵡曰郎在獄數日已不堪鸚鵡籠

閉累年奈何賈即放之去後其儕輩過 隴鵲 鵲必於林間致聲問其故主也 安南種 交

州獻

太平御覽曰余寓番禺曾游新會縣遇安南歡好使麴將軍見養一鸚鵡背尾有深淺翠毛臆前淡

紫嫩

紅間出兩脰別垂毛翅尾甚可愛南

過吳江

史曰梁天監元年交州獻能歌鸚鵡詔不納

辭金殿

鸚鵡來過吳江水江上洲傳鸚鵡名落羽辭金殿孤鳴托繡衣能言終見棄還向隴山

飛竝李

封使者

呼侍兒

天寶遺事曰長安有豪楊崇義者妻劉氏與鄰兒李

白詩

弇私通遂謀殺崇義埋枯井中其妻經府陳詞官吏日追捕賊不得後縣官再詣崇義家檢校其架上鸚鵡忽

厲聲曰殺崇義者李弇也遂捕伏法府尹具其事明皇取鸚鵡置後宮封為綠衣使者青林詩話曰蔡確貶

新州侍兒名琵琶者隨之有鸚鵡甚慧公每扣響板鸚鵡傳呼琵琶後卒誤觸響板鸚鵡猶呼不已公怏怏不

樂有詩云鸚鵡言猶在琵琶事已非傷心瘴江水同渡不同歸

似妖姬

類俳優

見上

閭朝隱詩 梅堯臣詩曰一入秦宮去
千山隴樹秋能言依婦女學語類俳優

不及隴山

昇之堂殿

異物志曰廣管雷羅等州多鸚鵡翠毛丹背可效人言但差小不及隴山者每羣飛數百

山果熟時遇之立盡 成公綏賦曰小鳥以其能言解意故育以金籠昇之堂殿然未得鳥之性

翠

衿短盡

玉瑣閑拘

上杜甫詩 下梅堯臣詩

鸚鵡四

原言鳥

漢異域志獻言鳥注鸚鵡

慧鳥

郭璞贊鸚鵡

赤喙

獻

晉安帝義

熙十四年秋林邑獻白鸚鵡

斷

梁天監三年斷諸侯進鸚鵡又交州獻能言鳥乃不納之

增

阿安樂

晉傅咸答客書曰吾作左丞未幾已為京兆雖心知此為不合然是家鄉親里自願便從俗耳

時足下問吾當去否吾答鸚鵡子
言阿安樂今到阿安樂何為不去

道寸心

李白詩安

為人道

綠朝雲

採蘭雜志云河間王琛有妓曰朝雲
善歌又有綠鸚鵡善語朝雲每歌鸚

寸心

鵡和之聲若出一環

放雪衣

蘇子瞻常記周韶事云
杭州營籍周韶嘗侍廣

愛之號為綠朝雲

生泣求落籍客命以詩遂援筆立成曰隴上巢空歲月
驚愁看回首自梳翎開籠若放雪衣女應念觀音般若

經韶時衣白故云

下筆驚

李高隱詩郎君下筆驚鸚鵡
鵡注謂韓偓偓小字冬郎

一坐驚歎遂落籍

醉客霑

杜甫詩醉客霑鸚鵡注謂鸚鵡
鵡也梁簡文帝答張纘書車渠

嘗即席為此

文不加點

隋書曰杜慎微幼聰敏博涉問皇
末舉秀才會林邑獻白鸚鵡侯射

屢酌鸚鵡

楊素從召慎微使作賦慎微援

名載梵經

章阜號鵡
舍利塔記

曰貞元中有獻鸚鵡鳥者河東裴氏志樂
金仙之道以此鳥名載梵經常狎而敬之

鸚鵡王
緣百

經曰鸚鵡王見佛比丘
寂然宴坐甚懷喜悅

鸚鵡五

原詩唐李義府詠鸚鵡詩曰牽弋辭重海觸網去層巒
戢羽雕籠際延思彩霞端慕侶朝聲切離羣夜影寒能
言殊可貴相助憶長安 增唐閻朝隱鸚鵡貓兒篇曰
鸚鵡鳥同資造化兮殊粹精鸚鵡毛翡翠翼鸚鵡雛延頸
鵲雞弄色彷徨兮佯佯似妖姬躡步兮動羅裳趨趨兮

蹌蹌若處子迴眸兮登玉堂

胡皓同蔡孚起居詠鸚

鵡詩曰鸚鵡殊姿致鸞皇得比肩常循金殿裏每話玉

階前賈誼才方達揚雄老未遷能言既有地何惜未聞

天杜甫鸚鵡詩曰鸚鵡含愁思聰明憶別離翠衿渾

短盡紅紫漫多知未有開籠日空殘宿舊枝世人憐復

損何用羽毛奇

白居易鸚鵡詩曰竟日語還默中宵

栖復驚身囚緣綵翠心苦為分明暮起歸巢思春多憶

侶聲誰能坼籠破從放快飛鳴

又詩曰隴西鸚鵡到

江東養得經年鶯漸紅常恐思歸先翦翅每因餒食暫

開籠人憐巧語情雖重鳥憶高飛意不同應似朱門歌

舞妓深藏牢閉後房中 又雙鶯鶯詩曰綠衣整頓雙

栖起紅觜分明對語時始覺琵琶絃莽鹵方知吉了舌

叅差鄭牛識字吾常歎

諺云鄭康成家牛觸牆成八字

丁鶴能歌爾亦

知若稱白家鸚鵡鳥籠中兼合解吟詩 又紅鸚鵡詩

曰安南遠進紅鸚鵡色似桃花語似人文章辯慧皆如

此籠檻何年出得身 劉禹錫和樂天鸚鵡詩曰養來

鸚鵡背初紅宜在朱樓繡戶中頻學喚人緣性慧偏能
識主為情通斂毛睡處難銷日顰翅愁時願見風誰遣
聰明好顏色事須安置入深籠徐凝和鸚鵡詩曰毛
羽曾經翦處殘學人言語道寒暄任饒長被金籠闔也
免栖飛雨雪難張祐鸚鵡詩曰栖栖南越鳥色麗思
沉淫暮隔碧雲海春依紅樹林雕籠悲斂翅畫閣豈關
心無事能言語人聞怨恨深又曰萬里去心違奇毛
覺自非美人憐解語凡鳥畏多機未勝無丹背何勞事

綠衣雕籠終不戀會向故山歸 裴夷直鸚鵡詩曰勸

爾莫移禽鳥性翠毛紅觜任天真如今漫學人言巧解

語終須累爾身

蘇郁

一作吳英秀

鸚鵡詞曰莫把金籠閉

鸚鵡箇箇分明解人語忽然更向君前言三十六宮愁

幾許 杜牧鸚鵡詩曰華堂日漸高雕檻繫紅綃故國

隴山樹美人金剪刀避籠交翠尾罇觜靜新毛不念三

緘事世途皆爾曹 來鵬鸚鵡詩曰色白還應及雪衣

觜紅毛綠語仍奇年年鎖在金籠裏何似隴山間處飛

羅鄴鸚鵡詠曰玉檻瑤軒任所依東風休憶嶺頭歸
金籠昔惜好毛羽紅觜莫教多是非便向鄰堂誇飲啄
還應禰筆發光輝乘時得路何須貴燕雀鸞皇各有機
秦韜玉鸚鵡詩曰每聞別雁競悲鳴却向金籠寄此
生早是翠襟爭愛惜可堪丹觜彊分明雲漫隴樹魂應
斷歌按秦樓夢不成幸自禰衡人未識嫌他作賦被時
輕裴說鸚鵡詩曰常貴西山鳥銜恩在玉堂語傳明
主意衣拂美人香緩步尋珠網高飛上畫梁長安頻道

樂何日從君王

殷文圭鸚鵡詩曰丹背如簧翠羽輕

隨人呼物旋知名金籠夜黯山西夢玉枕曉憎簾外聲

才子愛奇吟不足美人憐爾繡初成應緣是我邯鄲客
相顧咬咬別有情 吳越羅隱鸚鵡詩曰莫恨雕籠翠

羽殘江南地暖隴西寒勸君不用分明語語得分明出

轉難 宋王安石鸚鵡詩曰雲木何時兩翅翻玉籠金

鎖祗煩冤不須強作人間語舉世何人解語言 元馬

祖常王繼學鸚鵡聯句曰雕籠居啄桃衽服儀采綠南

荒孕靈質西顥發麗曲頸綬紅紫絲喙棘頽屈玉蓄慧
婉含章褭彩燦成禱能言貫珠舌善舞凌雲躅金眸肖
韞隼珍畜異巢鵠層堦寶舍利深杯注醽醁流丹曙林
度墮翠春洲浴石鏡影毵毵銅梁步陸續題賦吾豈能
入貢爾應錄 揭傒斯桃花鸚鵡詩曰嶺外經年別花
前得意飛客來呼每慣主愛食偏肥才子憐紅紫佳人
學綠衣狸奴亦可怕莫自戀芳菲 納新賦鸚鵡送僕
世南廉使之海南詩曰朱崖擅珍鳥鸚鵡獨專名滿庭

榕葉春晝晴飛來却向花間鳴三月蠻江春水綠日斜
還傍江頭浴弱羽翻空濕翠流爪痕蹴浪珊瑚束間關
更作斷腸聲水流花落難為情烏臺使君午夢醒隔簾
細雨春冥冥

原賦後漢禰衡鸚鵡賦曰時黃祖太子射賓客大會有
獻鸚鵡者舉酒於衡前曰今日無以娛賓竊以此鳥自
遠而至明慧聰善願先生為之賦衡筆不停綴文不加
點辭曰惟西域之靈鳥兮挺自然之竒姿體金精之妙

質兮含火德之明輝性辯慧而能言兮心聰明而識機
故其嬉遊高峻栖峙幽深飛不妄集翔必擇林紺趾丹
觜綠衣翠衿采采麗容咬咬好音雖同族於羽毛固殊
智而異心配鸞皇而等美焉比德於衆禽 魏曹植鸚

鵒賦曰美洲中之令鳥超衆類之殊名感陽和而振翼
遁太陰以成形遇旅人之嚴網殘六翮而無遺身挂滯
於重縲孤雌鳴而獨歸豈余身之足惜憐衆雛之未飛
分糜軀以潤鑊何全濟之敢希蒙含育之厚德奉君子

之光輝怨身輕而施重恐嘉惠之中虧常戢心以懷懼
雖處安其若危永哀鳴以報德庶終來而不疲 應瑒

鸚鵡賦曰何翩翩之麗鳥表衆豔之殊色被光耀之鮮
羽流黝黃之華飾苞明哲之弘慮從陰陽之消息秋風
厲而潛形蒼神發而動翼 陳琳鸚鵡賦曰咨乾坤之

兆物萬品錯而殊形有逸姿之令鳥含嘉淑之哀聲抱
振鷺之素質被翠羽之縹精 王粲鸚鵡賦曰步籠阿
以躑躅叩衆目之希稠登衡幹以上干噉哀鳴而舒憂

聲嚶嚶以高厲又慘慘而不休聽喬木之悲風羨鳴友
之相求日奄藹以西邁忽逍遙而既冥就隅角而斂翼
倦獨宿而宛頸 阮瑀鸚鵡賦曰惟翩翩之豔鳥誕嘉
類於京都穢夷風而弗處慕聖惠而來徂被坤文之黃
色服離光之朱形配秋英以離綠苞天地以耀榮 晉
傅休奕鸚鵡賦曰奇毛曜體綠采含英鳳翔鸞跼孔質
翠榮發言輒應若響追聲懸頰分於丹足婉味味之熒
熒 左九嬪賦曰色則丹喙翠尾綠翼紫頸秋敷其色

春耀其榮

盧諶賦曰有遐方之奇鳥產瓜州之舊壤

揮綠翰以運影啟丹背以振響

傅咸賦曰有金方之

奇鳥處隴坻之高松謂崇峻之可固然以慧而入籠披

丹脣以授音亦尋響而應聲盼明眸以承顏側聰明而

有聽口纔發而輕和密晷景而隨形言無往而不復似

探幽而測冥自嘉智於君子足取愛而揚名

曹毗賦

曰余在直見交州獻鸚鵡鳥嘉其有智歎其籠樊乃賦

之曰其形則雉顧鵠盼鷹跼鴈息丹喙含映紺葩煥翼

森森修尾蔚蔚紅臆金采員嬰於雙眸朱藻爛暉於首側
桓靈寶鸚鵡賦曰有遐方之令鳥超羽族之拔萃

翔清曠之遼朗栖高松之幽蔚羅萬里以作貢嬰樊絀
以勤瘁紅腹頰足黝領翠頂革好音以遷善效言語以
自騁翦羽翮以應用充戲玩於軒屏 宋顏延之白鸚
鵡賦曰余具職崇賢預觀神祕有白鸚鵡焉被素履黝
性溫言達九譯絕區作玩天府同事多士咸竒思賦其
辭曰稟儀素域繼體寒門貌履黝而被潔性既養而亦

溫雖言禽之末品妙六氣而尅生往祕竒於鬼服來充
美於華京恨儀鳳之無辨惜晨鷺之徒暄思受命於黃
髮獨含辭而採言起交河之榮薄出天山之無垠既達
美於天居亦儷景於雲阿斬惠和之方渥綴風土而未
訛服瑣翻於短衿仰梢雲之層柯覲天網之一布漏微
翰於山阿 謝莊赤鸚鵡賦曰徒觀其柔儀所踐潁藻
所挺華景夕映容光晦鮮惠性昭和天機自曉審國音
於寰中達方聲於裔表及其雲移霞峙霰委雪翻陸離

翬漸容裔鴻軒躍林飛岫煥若輕電溢煙門集場棲圃
熠若大桃被玉園至於氣淳體浮霧下崖沉月圖光於
綠水雲寫影於青林遡還風而聳翮霑清露而調音

梁昭明太子鸚鵡賦曰有能言之奇鳥每知來而發聲
乍青質而翠映或體白而雪明喙前鉤而趨步翼高舞
而翮翔足若丹而三布目如金而雙圓 增唐李百藥

鸚鵡賦曰翠翮孔質鴻鸞鸚鵡峙應舞節以鸞回慕知來
而鵲起先假道於朱味方徐行於紺趾配六象以表德

參四靈而效祉 王維白鸚鵡賦曰名依西域族本南

海同朱喙之清音變綠衣於素彩芳樹絕想雕籠撫翼
時銜花而不言每投人以方息慧性孤稟雅容非飾合
火德之明輝被金方之正色 唐人白鸚鵡賦曰豐姿

冰華全體玉色匪鵠彩之爭妙何衆禽之比德呼名自
應隔羅幔而飛來教語半成學美人之漸逼故對綺琴
而傾聽上金屏而斂翼蒙正平之翰藻應司空之寵識
郝名遠白鸚鵡賦曰懿其霜毛雪毛鮮襟皓臆明眸

珠朗修趾頽飾理翮整翰仰雲路而翻飛自適陟遐託
風林以棲息

增序宋歐陽修紅鸚鵡賦序曰聖俞作紅鸚鵡賦以謂
禽鳥之性宜適於山林今茲鸚徒事言語文章以招累
見囚樊中曾鳥鳶雞雛之不若也謝公學士復多鸚之
才故有金閨玉堂之安飲泉啄粟自足為樂作賦以反
之夫適物理窮天真則聖俞之說勝負賢才以取貴於
世而能自將所適皆安不知櫳檻之與山林則謝公之

說勝某始得二賦讀之釋然知世之賢愚出處各有理也

秦吉了

增秦吉了即了哥唐書作結遼鳥番音也出嶺南容管廉邕諸州峒中大如鸚鵡紺黑色夾腦有黃肉冠如人耳丹味黃距人古人目目下連頸有深黃文項尾有分縫能效人言音頗雄重用熟雞子和飯飼之亦有白色者唐會要曰林邑國出結遼鳥一云出杜蒲州朝

野僉載曰天后時左衛兵曹劉景陽使嶺南得秦吉了
二隻能解人語至都進之留其雌者雄煩怨不食天后
問之曰何乃無慘也鳥曰配為使者所得頗憶之乃召
景陽曰何故藏一鳥不進景陽叩頭伏罪仍進之后亦
不罪也 唐志曰開元初廣州獻秦吉了言音雄重如
丈夫委曲識人情慧於鸚鵡遠矣 唐白居易秦吉了
詩曰秦吉了出南中彩毛青黑花頸紅耳聰心慧舌端
巧鳥語人言無不通 明高啟詠苑中秦吉了詩曰不

獨能言異凡鳥最愛佳名呼吉了雕籠幾度學雞鳴驚
起煙花六宮曉駕來別院未知迎先聽遙呼萬歲聲願
把春風一杯酒從今莫聽上林鶯

時樂鳥

增唐書曰明皇有五色鸚鵡能言育於宮中上令左右
試牽御衣鳥輒瞋目叱咤岐王府文學能延京因獻鸚
鵡篇以贊其事上以鳥及延京詩示百僚尚書左丞相
張說上表賀曰臣按南海異物志有時樂鳥鳴云太平

天下有道則見驗其圖丹首紅臆朱冠綠翼鶯領文背
糝則五色今此鳥本南海貢來與鸚鵡狀同而毛尾全
異其心聰性辨護主報恩固非凡禽實瑞經所謂時樂
鳥延京雖敘其事未正其名望編國史以彰聖瑞 唐

張說時樂鳥篇曰舊傳南海出靈禽時樂名聞不可尋
形貌乍同鸚鵡類精神別稟鳳皇心千年待聖方輕舉
萬里呈才無伴侶紅茸糝繡好毛衣清冷謳鵲好言語
內人試取御衣牽啄手暝聲不許前心願陽鳥恒保日

志嫌陰鶴欲凌天天情玩訝良無已察圖果見祥經裏
本持符瑞驗明王還用文章比君子自憐弱羽詎堪珍
喜共華篇來示人人見嚶嚶報恩鳥多慙碌碌具官臣

烏鳳

增桂海禽志曰烏鳳如喜雀色紺碧頸毛類雄雞鬚頭
有冠尾垂二弱骨各長一尺四五寸其杪始有毛羽一
簇冠尾絕異大略如鳳鳴聲清越如笙簫能度小曲妙
合宮商又能為百蟲之音生左右江溪峒中極難得書

傳未之紀當由人罕識云

青鳥一

原山海經曰三危之山有青鳥居之

青鳥主為西王母
取食者恒自棲息

於此
山也

增太平清話曰青鳥形如鳩鵲紅頂長尾緋仙

姑曾見之 原紀年曰穆王十三年西征至於青鳥之

所憩 漢武故事曰七月七日上於承華殿齋正中忽

有一青鳥從西方來集殿前上問東方朔朔曰此西王

母欲來也有頃王母至有二青鳥如鳥夾侍王母旁

又曰鉤弋夫人卒上為起通靈臺常有一青鳥集臺上

晉中興書曰顏含嫂病困須髻蛇膽不能得含憂歎累日忽有一童子持青囊授含乃蛇膽也童子化為青鳥飛去 神仙傳曰東陵聖母廣陵海陵人杜氏妻也學劉綱道坐在立亡杜公不信誣言聖母作姦收付獄聖母從牕中飛去於是遠近為立廟甚有神驗常有一青鳥在祭所人有失物者青鳥便飛集物上路無拾遺

青鳥二

增授青囊

銜紅巾

上詳晉中興書
雪落覆白蘋青鳥飛去銜紅巾

杜甫詩楊花

須長年

比佳士

上見陶潛詩
下見杜甫詩

飛集

信來

上詳
神仙

傳

李商隱詩今

朝青鳥信來賒

增詩晉陶潛青鳥詩曰翩翩三青鳥毛色奇可憐朝為

王母使暮歸三危山我欲因此鳥具向王母言在世無

所須惟酒與長年

唐李白詩曰遙憶雙彩鳳婉孌三

青禽以歡秦娥意復得王母心

杜甫詩曰西來有好

鳥為我下青冥羽毛淨白雪慘澹飛雲汀既蒙主人顧

舉翮吸孤亭持以比佳士及此慰揚舲

箋注西來好鳥用王母事

增贊晉郭璞青鳥贊曰山名三危青鳥所憩往來崑崙
王母是隸穆王西征旋軫斯地

雉一

增禽經曰雉介鳥也

本草釋名曰雉理也雉有文理

也雉類甚多亦各以形色為辨耳梵書謂雉曰迦頻闍

羅 又曰雉飛若矢一往而墮故字從矢今人取其尾

置舟車上欲其快速也

本草集解曰雉南北皆有之

形大如雞而斑色繡翼雄者文彩而尾長雌者文暗而

尾短其性好鬪其鳴曰鷩音香其卵褐色將卵時雌避其

雄而潛伏之否則雄食其卵也 說文曰雉有二十四

種 原爾雅鷩諸雉今雉也鷩雉長尾走鷩雉青質鷩雉

黃色鳴鷩雉似山雞增禽經曰朱黃曰鷩雉白曰翰

汗音雉鷩曰海雉海雉曰秩秩如雉而黑在海中首有采

毛曰山雉頸有采囊曰避株背有采羽曰翡翠腹有采

文曰錦雞 原博物志曰翟雉長尾雨雪惜其尾栖高

樹杪不敢下食往往餓死 增埤雅曰翟雉惜其尾往

往餓死蓋文之弱物也故禽經云霜傳彊枝鳥以武生

者少雪封枯原鳥以文死者多 原山海經曰少華之

山其鳥多赤鷩可以禦火孟山鳥多白雉 孝經援神

契曰德至鳥獸故雉白首

妃房不偏故白雉應

春秋感精符曰

王者旁流四表則白雉見 抱朴子曰白雉有種南越

尤多按地域圖今之九德則古之越裳也蓋白雉之所

出周成王所以為瑞者貴其所自來之遠明其德化所

被之廣非謂此為奇也 增又曰雞有專栖之雄雉有

擅澤之鵠 爾雅翼曰澤雉因地之墳衍以為疆界分

而護之不相侵越一界之內要以一雄者為主餘者雖

衆莫敢鳴雉 原洪範五行傳曰正月雷微而雉雉雷

氣通也 增禮記月令曰仲冬雉始雉謂陽動則雉鳴

而勾其頸也 原又曰孟冬雉入大水為蜃 增禽經

曰雀交不一雉交不再 原尚書曰日月星辰山龍華

蟲 華蟲鷩雉也五采故謂之華蟲 增楊炯冕服
蟲議曰華蟲者雉身被五采象聖人體兼文明也 周

官曰巾車掌皇后之五輅重翟錫面

重翟翟雉之羽

增車服

注曰天子金根車馬上插以雉尾皇后法駕重翟羽蓋

有雉尾扇

原儀禮曰士相見之禮贊用雉

取其有耿介之意

春秋運斗樞曰璣星散為雉

易曰離為雉

取其有文章

毛詩曰有鳴雉鳴

增詩義疏曰四足之美有鹿兩

足之美有鷓鴣

原莊子曰澤雉十步一啄百步一飲不

靳畜乎樊中

增揚子曰山雌之肥其意得乎

崔劼

曰鵲巢避風雉去惡政乃是鳥之一長

雉二

原尚書曰高宗彤日越有雉雉祖已曰惟先格王正厥

事

言至道之王遭變異正其事而異自消也

乃訓於王曰惟天監下民典厥

義

祖已既言遂以道訓諫王也言天惟下視民以為常也

尚書大傳曰武丁祭

成湯有雉飛鼎耳而雉問諸祖已曰雉者野鳥也不當

升鼎升鼎者欲為用也遠方將有來朝者乎武丁思先

王之道辮髮重譯至者六國孝經援神契曰周成王

時越裳獻白雉去京師三萬里王者祭祀不相踰宴食

衣服有節則至 列異傳曰秦穆公時陳倉人掘地得物若羊非羊若猪非猪牽以獻穆公道逢二童子童子曰此名為媼常在地食死人腦若欲殺之以柏插其首媼復曰彼二童名為陳寶得雄者王得雌者霸陳倉人捨媼逐二童子童子化為雉飛入平林陳倉人告穆公穆公發徒大獵果得雌又化為石置之汧渭之間至文公為立祠名陳寶雄飛南集今南陽雉縣其地也秦欲表其符故以名縣每陳倉祠時有赤光長十餘丈從雉

縣來入陳寶祠中有聲如雄雉 左傳曰賈大夫娶妻

而美不言不笑御以如皐射雉獲之其妻忽言而笑

又曰叔孫豹奔齊庚宗婦人獻以雉問其姓曰予子長

矣能奉雉而從我矣 又曰郊子云五雉為五工正五雉

見爾雅

春秋感精符曰魯昭公時雉銜環入

雉之為言弟也喻昭

公弟為季氏入之為君也

論語曰山梁雌雉時哉時哉子路拱之

三嗅而作 揚雄琴清英曰雉朝飛操者衛女傅母之

所作也衛女嫁於齊太子中道聞太子死問傅母曰何

如傅母曰且往當喪喪畢不肯歸終之以死傅母悔之
取女所自操琴於塚上鼓之忽二雉俱出墓中傅母撫
雉曰女果為雉耶言未畢俱飛而起忽然不見傅母悲
痛援琴作操故曰雉朝飛 琴操曰齊牧犢子年七十
無妻朝日見飛雉雌雄相隨感之撫琴而歌曰雉朝飛
鳴相和雄雌羣遊於山阿 尹文子曰楚人握山雉者
路人問何鳥也欺之曰鳳皇也路人曰我聞鳳皇今始
見矣汝販之乎請買千金弗與請加倍乃與之方欲獻

楚王經宿死路人不遑惜其金惟恨不得獻王王聞之
感其欲獻已召厚賜之過買鳥之金十倍 漢武故事
曰上幸梁父祠地主上親拜庶羞以遠方奇禽異獸及
白雉白鳥之屬其日山上有白雲 蕭廣濟孝子傳曰
蕭望之至孝除尚書郎有雉數十頭飲啄宿止當上直
送至岐路下直入門飛鳴車側 增西京雜記曰茂陵
文固陽本瑯琊人善馴野雉為媒用以射雉每以三春
之月為茅障以自翳用矰矢以射之日連數百茂陵輕

薄者化之皆以雜寶錯廁翳障以青州蘆葦為弩矢輕
騎妖服追隨於道路以為歡娛也陽死其子亦善其事
董司馬好之以為上客 原漢書曰平帝元始元年春
越裳重譯獻白雉一黑雉二詔使三公以薦宗廟 東
觀漢記曰魯恭字仲康為中年令蝗蟲不入縣界河南
尹遣郡掾肥親驗之坐樹下雉過止恭側旁有小兒親
曰何不捕之兒言雉方將雛可憐親歎曰童子有仁心
三異也 魏書曰太祖才力過人於南皮一日射雉獲

三十六頭 魏志曰侍中辛毗從文帝射雉帝曰樂哉

毗曰於陛下甚樂於羣下甚苦帝默然為之希出 魏

略曰文帝欲受禪郡國奏白雉十九見 魏志文紀曰

延康元年四月饒安縣言白雉見 江表傳曰孫權數

射雉潘濬諫權權曰時特暫出耳不復如往日也濬曰

天下未定萬機多務射雉非急弦絕括破皆能為害濬

乃手自撤壞雉翳權由是遂絕不復射雉 吳志曰孫

休銳意於典籍欲畢覽百家之言大好射雉春秋之間

常晨出夜還惟此時捨書 晉咸寧起居注曰太醫司

馬程據上雉頭裘詔於殿前燒之 增異苑曰司馬軌

之善射雉太元中將媒下翳此媒屢雉野敵亦應試令

尋覓所應者頭翅已成雉半身後故是蛇 原宋略曰

孝武帝嘗出射雉值雨侍中沈懷文諫曰非止千乘失

容亦乃聖躬櫛沐 增南齊書曰褚炫從宋明帝射雉

至日中無所得帝時猜羞召問侍臣曰吾旦來如臯遂

空行可笑座者莫答炫獨曰今節候雖適而雲霧尚凝

故斯暈之禽驕心未警但得神駕游豫羣情便為載懽
帝意解乃於雉場置酒 三國典略曰渤海王高歡攻
鄴時瑞物無歲不有令焚連理木煮白雉而食之

雉三

原官名

后諱

傳曰少昊氏以鳥名官五雉為五工正注雉有五種工正即官名也 漢呂太

后名雉號曰野雞至今稱也

離羅

為扇

詩有兔爰爰雉離于羅古今注雉尾扇

疏趾

盈握

祭宗廟曰疏趾尾不盈握不食也

雉

始雉

不食

季冬野雉

始雉 易雉膏不食

見西河

出孟山

桓帝永康七年白雉見西河白雉出於孟山

羽中旌旗

雉升昂耳

書羽畎夏翟注羽中旌旗故貢之下詳雉二尚書大傳

載飛載鳴

一飲一啄

莊子

朱冠

斑尾

綺翼

采尾

袞背

藻翰

綽綽

英麗

揚翅

聳角

增璣象

離精

上見雉一春秋運斗樞也其象文明性復姦悍故為雉

離火

原禽

介鳥

雉不處下濕故曰原禽經雉介鳥也以其善搏鬪也

禽

夏翟

春翬

尚書

注羽畎谷名雉尾至夏則光澤故曰夏翟下見蕭有詩

姁姿

勇氣

潘岳賦厲耿介之專

心兮麥雄豔之姁姿下見李白詩

赤祥

啞瑞

五行志曰雉南方近赤祥也清異錄曰

于頔董天休俱為鄆州從事頔文辯天休木訥而衣冠甚麗一日有獻錦雉者頔笑曰此物毛羽繁錯但鳴不

中律呂亦啞瑞而已

滅火

知雷

冥驗記曰野火燒山林中有

來疲之不以爲苦

五行志曰雷在地中雉性精剛

故獨知之應而鳴也說文曰雷始動雉鳴而雉其頸

如臯

入室

上詳雉二左傳

舊唐書曰高駢進東面

二雉雉寢占者曰野鳥入室軍府將空駢心惡之其月

盡出兵於東塘結壘而處如赴難之勢凡百日還廣陵

蓋襍雉雉

隨郎車

集令庭蕭望之爲郎雉數十常

之異也

入平林

飛齋宮

上詳雉二列異傳

城令雉集其庭

繡衣謝

丹砂化

北史曰後魏裴安

十三年雄雉馴

飛泰山齋宮內

繡衣謝

丹砂化

祖行道中舍於樹

下有鷺鳥逐雉雉急投之觸樹遂死安祖愍之乃取置

陰涼地護視良久得蘇喜而放之後忽夜夢一丈夫繡

衣曲領向安祖再拜云感君垂救故來謝德 宋史曰
神宗時李大臨出知汝州辰溪貢丹砂道葉縣其二篋
化為雙雉聞山谷間有耕者獲之人疑為
盜械送於府大臨識其異訊得實乃釋之

雉四

原化蜃

趙簡子歎曰雉入淮化為蜃

求雉

詩雉之朝雉尚求其雌

蛇化

武晉

庫閉甚密中忽聞雉雌張華曰
必是蛇化也開視側有蛇蛻焉

雄來

魏志雄雉飛來登王弘直內鈴

柱頭令管輅作卦曰到五月必
遷時三月也至時果為渤海守

覩

晉既開青雲觀白雉何不張爾弓挾

爾矢 馬川中牟馴雉
於桑下

六雉

伊洛之南白質五色皆備曰
輦由江淮而南青質五采皆

備曰鷦鷯東方曰鷦鷯南方曰鷦鷯
北方曰鷦鷯西方曰鷦鷯

白雉

典略岱宗之精

驍媒

應

媒

雙角

持超

媒翳

媒者少養雉子至長狎人能招野雉因名曰媒翳

增雉

則天誕之夕雉皆雉

求偶

馬融笛賦山雞晨鳴野雉朝雉求偶鳴子悲號長嘯

應鐘鳴

淮南子撞鐘於庭郊雉皆雉

候陰晴

中和集商人置雉尾於舟中以候陰

晴天當晴則尾直豎天將雨則尾下垂

集晉庭

瑣語晉平公時有鳥從南方來赤質五色集於

庭叔向曰吾聞師曠言西方有鳥白質五色皆備曰輦南方有鳥赤質五色皆備曰雉今來為君瑞也

進堯羹

神仙傳曰彭祖姓錢名鏗帝顓頊之裔孫善養性能調鼎進雉羹於堯食之以壽考

山

梁

徐陵山梁飲啄非有意於樊籠

射場

齊東昏侯在位置射雉場二百九十六處翳中帷幕步障

皆飾錦繡金銀鏤弩牙瑇瑁帖箭每出輒與鷹犬隊主徐令孫媒翳隊主俞靈韻齊馬而走左右爭逐

赤鷩

見雉一山海經其耿介甚於他雉

故周官三公服鷩冕又劉熙云

鷩雉之慙惡者山雞也鷩慙也性急慙

遊鷩

西都賦遊鷩高

故畫其形於衣以象人臣執耿介之節

翬絕阮踰斥注雉之健者為鷩尾長六尺詩云有集維鷩是也

雉五

增詩漢班固白雉詩曰啟靈篇兮披瑞圖獲白雉兮效

素烏嘉祥阜兮集皇都發皓羽兮奮翹英容潔朗兮於

純精彰皇德兮侔周成永延長兮膺天慶原宋鮑照

詩曰雉朝飛振羽翼專場挾兩雌恃彊力媒已驚翳已

逼蒿間潛發盧矢直劔繡頸碎錦臆絕命君前無怨色

梁簡文帝詩曰晨光照麥畿平野度春暈避鷹時聳

角妬壘或斜飛少年從遠役有恨意多違不如隨游蕩

羅袂拂臣衣 增梁吳均詩曰可憐稚子斑羣飛集野

甸文章始陸離意氣已驚狷 又曰二月雉朝飛橫行

傍墮歸斜看水外翟側聽嶺南輦躑躅恒欲戰耿耿恃

彊威當令君見賞何辭碎錦衣 陳後主詩曰四野秋

原暗十步啄方前雉聲風處遠翅影雲間連箭射妖姬

笑裘值盛名然已足南皮賞復會北宮篇 張正見詩

日陳倉雉未飛斂翮依芳甸朱冠色尚淺錦臆毛初變
雉麥且專場排花聊勇戰唯當渡弱水不怯如臯箭

江總詩曰麥壠新秋來澤雉屢徘徊依花似協妬拂

草乍驚媒三春桃照李二月柳爭梅暫住如臯路當令

巧笑開 毛處約詩曰春物始芳菲春雉正相追澗響

連朝雉花光帶錦衣竄跡時移影驚媒或亂飛能使如

臯路相逢巧笑歸 原陳蕭有射雉詩曰二月春輦動

曹王挾妬媒插翳依花合芟場向野開隔田聞雉近橫

溪見影來弦鳴青靨碎箭落錦衣摧今日如臯路能將

巧笑迴 增唐李嶠詩曰白雉振朝聲飛來表太平楚

郊疑鳳出陳寶若雞鳴童子懷仁至中郎作賦成冀君

看飲啄耿介獨含情 儲光羲射雉詞曰曝暄理新翳

迎春射鳴雉原田遙一色臯陸曠千里遙聞呶啞聲時

見雙飛起幕塵踈蒿下迢迢深麥裏顧敵乃忘生爭雄

方決死仁心貴勇義豈復能傷此超遙下故墟迢遞回

高時大夫惜何苦取笑歡妻子 李白雉朝飛操曰麥

隴青青三月時白雉朝飛挾兩雌錦衣綺翼何離襍牧

犢采薪感之悲春天和白日暖啄食飲泉勇氣滿爭雄

鬪死繡頸斷 又雉子斑曲辭曰辟邪伎作鼓吹驚雉

子斑之奏曲成喔咿振迅欲飛鳴扇錦翼雄風生雙雌

同飲啄趨悍誰能爭乍向草中歇介死不求黃金籠下

生 韋應物射雉詩曰走馬上東岡朝日照野田野田

雙雉起翻射斗迴鞭雖無百發中聊取一笑妍羽分繡

臆碎頭弛錦鞘懸方將悅羈旅非關學少年
弣弓一長嘯憶在灞城阡
白居易山雉詩曰五步一啄草十步

一飲水適性遂其生時哉山梁雉梁上無罾繳梁下無
鷹鷂雌雄與羣雖皆得終天年
韓愈雉朝飛操曰雉

之飛於朝日羣雌孤雄意氣橫出當東而西當啄而飛
隨飛隨啄羣雌粥粥
又雉帶箭詩曰原頭火燒靜兀

兀野雉畏鷹出復沒將軍欲以巧伏人盤馬彎弓惜不
發地形漸窄觀者多雉驚弓滿勁箭加衝人決起百餘

尺紅翎白鏃相傾斜將軍仰笑軍吏賀五色離披馬前
墮王建雉將雛曰雉唧唧雛出殼毛斑斑背啄啄學
飛未得一尺高還逐母行旋母脚麥壠淺淺難蔽身遠
去戀雛低怕人時時土中鼓兩翅引雛拾蟲不相離

張祐雉朝飛操曰朝陽隴冬泛暖景雙啄雙飛雙顧影
朱冠錦襦聊日整漠漠霧中如衣裝傷心盧女弦七十
老翁長獨眠雄飛在草雌在田東腸結憤氣呵天溫
庭筠雉場歌曰茭葉萋萋接煙曙雞鳴埭上梨花露彩

仗鏘鏘已合圍繡翎白頸遙相妬雕尾扇張金縷高碎
鈴素拂驪駒豪綠場紅跡來相接箭發銅牙傷彩毛麥
隴桑陰小山晚六蚪歸去凝笳遠城頭却望幾含情青
畝春蕪連古苑 霍總雉朝飛曰五色有名翬清晨挾
兩雌羣羣飛自樂步步影相隨覘葉逢人處驚媒妬寵
時綠毛春闌盡疆敵願君知 宋蘇軾食雉詩曰雄雉
曳修尾驚飛向日斜空中紛格闘綵羽落如花喧呼勇
不顧投網復誰嗟百錢得一雙新味時所嘉烹煎雜雞

鷺爪距漫槎牙誰知化為蜃海上落飛鴉
元楊維禎

雉朝飛曰琴操有雉朝飛多指牧犢子之作據揚雄所
記則曰衛女傳母之所作也余以牧犢之歎不如衛女
之善死有關世教故賦以補舊樂府之缺云雉朝飛一
雄挾兩雌雄死雌誓黃泥歸衛女嫁齊子未及夫與妻
青綳綰素結一死與之齊人言衛女蕩且離烏得家中
有雉飛琴聲鼓之聞者悲

原賦晉王叔之翟雉賦曰余在荆楚見人有養雉翟二

鳥者慨然感之而為賦云含野氣於人塗信多懼而少
嘉雉見質而不陋翟表文而弗華映寒條之始綠發冬
秀之餘葩 傳純雉賦曰覽飛禽之可貴偉翔雉之嘉
形應炎離之誕育包造化之淳精鮮光皎粲麗采繁盞
首同暉於昊天垂黝景之綠青體等耀於方采敷五色
之華英 傳休奕雉賦曰稟炎離之正氣應朱火之禎
祥播五采之繁縟被華文而成章冠列角之盛儀翹從
風而飄揚履嚴距之武節超鸞峙而鳳翔感天和而貽

瑞進據鼎而祚商樂周道之方隆敷皓質於越裳 孫

楚雉賦曰體冲和之淑質飾羽儀於茂林斑五色之文

章揚皦皦之清音設密網於巖阿飛輕繳之雲浮上無

逃而弗獲下無隱而不搜遂戢翼以就養隨籠棲而言

歸恒逍遙於階庭廕朝陽之盛暉 增晉潘岳射雉賦

曰爾乃擊場挂翳停僮蔥翠恐吾游雉媒名之晏起慮原

禽之罕至甘疲心於企想分倦目以寓視何調翰之喬

桀邈疇類而殊才候扇舉而清呌野聞聲而應媒褰微

罟以長眺已踉蹌而徐來搗朱冠之赭赫敷藻翰之陪
鰓首約綠素身拖黼繪青鞵莎靡丹臆蘭綵或蹶或啄
時行時止斑尾揚翹雙角特起良游哢喔引之規裏應
叱愕立擢身竦峙捧黃間以密殼屬剛挂以潛擬倒禽
紛以迸落機聲振而未已

唐浩虛舟射雉解顏賦曰

健馬蹄疾中原草平想娉娉之未悅聆憂憂之初鳴花
顏怙恍以徐駭錦翼翩翻而忽驚由是星走白羽綺張
丹臆彩毛迸落初莞爾以難名飛鏃洞穿遂嫣然而不

息

原表宋孝武帝在藩上白雉表曰白體表素彩儀稟識
自擾陶氣仁風練色淳露不斬一飲之逸不資三逸之
勤 增唐中書門下賀白野雉表曰耿介之性自能馴
狎綈雉之姿翻然純素丹立楹檻雪映雕籠豈越裳之
獻獨美於前王而岱宗之精用呈於今貺

原啟周庾信謝趙王賚雉啟曰夏翟秋飛江暈春澗中
年睽之客遂得坐觀賈大夫之妻已應含笑仰費中厨

來供下客山川道遠口腹知恩

鵒一

原說文曰鵒似雉出上黨 增本草集解曰鵒狀類雉

而大黃黑色首有毛角如冠性愛其黨有被侵者直往
赴鬪雖死猶不置 本草釋名曰其羽色黑黃而褐故

曰鵒青黑色者名曰鵒音介性耿介也青鳳亦曰鵒取象

於此也 禽經曰鵒殺鳥也殺不知死 鵒一名勇雉

一名神雀 山海經曰煇諸之山其鳥多鵒 原月令

曰大雩之日鵠鳥不鳴

增先儒曰虎夫戴鵠

徐廣

曰鵠似黑雉荀綽晉百官表注曰冠插兩鵠鵠鳥之暴

疏者也每所攫撮應爪摧劓天子武騎故以冠焉

蘇

子曰帶方寸之印施丈尺之組戴鵠雀之毛建千丈之

城此世俗之富貴也

原列子曰黃帝與炎帝戰以鵠

鵠為旗幟

漢書曰京兆尹張敞舍鵠雀飛集丞相霸

以為神雀欲以上聞敞劾奏之霸大慚

續漢書輿服

志曰虎賁武騎皆鵠冠以其闕死乃止故趙武靈王以

表武士焉

鵑二

增廉風

猛氣

上見王粲賦
下見曹植賦

殺鳥

神雀

禽經

曜文

墀

飾武士

上見曹植賦
下見郭璞賦

出上黨

集京兆

上詳說
文下詳

漢書

製旗

為冠

上詳列子
云道家鵑冠子

杜詩生年鵑冠子漢書
一篇居深山以鵑為

冠袁淑真隱傳曰鵑冠子或曰楚人
衣敝履穿因服成號著書言道家事

鵑三

原賦魏曹植鵑賦曰鵑之為禽猛氣共鬪終無勝負期

必於死遂賦之焉美遐圻之偉鳥生太行之巖阻體貞

剛之烈性亮金德之所輔戴毛角之雙立揚黝黃之勁

羽甘沈殞而重辱有節士

一作俠

之儀矩降居擅澤高處

保岑遊不同嶺栖必異林若有翻雄駭逝孤雌驚翔則

長鳴挑敵鼓翼專場踰高越壑雙不

一作戰

隻僵階侍斯

珥俯曜文墀成武官之首飾增庭燎之高暉 王粲鵠

賦曰惟茲鵠之為鳥信才勇而勁武服乾剛之正氣被

淳駟之質羽翹晨風以羣鳴震聲發乎外宇厲廉風與

猛節超羣類而莫與惟膏薰之焚銷固自古之所咨逢
虞人而見獲遂因執乎縲累賴有司之圖功不開小而
漏微令薄軀以免害從孔鶴於園湄

原贊晉郭璞鵲贊曰鵲之為鳥同羣相為疇類被侵雖
死不避毛飾武士兼厲以義

御定淵鑑類函卷四百二十一

總校官庶吉士

臣

張能照

校對官檢討

臣

王福清

謄錄監生

臣

朱烺

欽定四庫全書叢要

子部

御定淵鑑類函卷四百二十三

詳校官兵部主事臣雷純

欽定四庫全書薈要卷一萬一千八百七十

子部

御定淵鑑類函卷四百二十二

鳥部五

鷹

鷂

鷂

鷂附

鷹一

原爾雅曰鷹鵠鵠

鵠當爲鵠字之誤

又曰鷹隼醜其飛也

鼓翅

廣志曰有雉鷹有菟鷹一歲爲黃鷹二歲撫鷹

三歲青鷹胡鷹獲鷹

增本草釋名曰鷹以膺擊故謂

之鷹其頂有毛角故曰角鷹其性爽猛故曰鵠鵠昔少

皦氏以鳥名官有祝鳩鳩鵲鳩雉鳩鷦鷯五氏蓋鷹
與鳩同氣禪化故得稱鳩也禽經云小而鷙者皆曰隼
大而鷙者皆曰鳩是矣爾雅翼云在北爲鷹在南爲鷩
一云大爲鷹小爲鷩梵書謂之嘶那夜 本草集解曰
鷹出遼海者上北地者次之北人多取雖養之南人八
九月以媒取之乃鳥之疏暴者 原周易通卦驗曰鷹
者鷙殺之鳥 春秋緯曰瑤光星散爲鷹 禮記曰立
秋之日鷹乃擊 增春秋考異郵曰金伐木故鷹擊雉

漢書曰鷹隼未擊矰弋不得施於蹊隧 原周書曰

驚蟄之日鷹變爲鳩處暑之日鷹乃祭鳥 增又曰小

暑之日鷹乃學習 原大戴禮曰正月鷹則爲鳩鷹也

者其殺之時也鳩也者非其殺之時也善變而之仁故

具言之也鳩爲鷹而之不仁故不盡其辭 京房占曰

七月鳩化爲鷹 廣雅曰白鷹鷹也 增酉陽雜俎曰

鷹相同鷗唯欲尾長翅短爲異耳 又曰荆窠白者短

身而大便鳥而快一名沙裏白代都赤者紫背黑鬚白

晴白毛便兔漠北白者身長且大細斑短脰鷹內之最
一名西道白房山白者紫背細斑便兔漁陽白腹背俱
白便兔東道白腹背俱白鷹內之最 大雖稍軟若值快
者越於前鷹土黃或大或小黑皂鷗多死時有快者白
皂鷗便鳥青斑細斑者快鷗鷹荏子青黑者快蛻淨眼
明是未嘗養雖尤快若目多眵蛻不淨者已養雖美不
任用多死 又曰鷹之雌雄惟以大小爲異其餘形像
本無分別雉鷹雖小而是雄鷹 原毛詩曰維師尚父

時維鷹揚 增秦子曰虎能雄猛不可以託麀鷹能飄
擊不可以寄雛 原馬融與謝伯世書曰憤憤愁思猶
不解懷思在竹間放狗逐麋晚秋涉冬大蒼出籠黃棘
下兔芼以乾菜以送餘日茲樂而已

鷹二

原左傳曰邾子云少皞爽鳩氏司寇也 又子產始知
然明問爲政焉曰視民如子見不仁者誅之如鷹鷂之
逐鳥雀也 戰國策曰唐睢謂秦王曰要離刺慶忌鷹

擊於殿上 孔氏志怪曰楚文王少時雅好田獵天下

快馬名鷹畢聚焉有人獻一鷹曰非王鷹之儔俄而雲

際有一物凝翔飄飄鮮白鷹見之便竦翮而升矗若飛

電須臾羽墮如雪血灑如雨有大鳥墮地而死度其兩

翅廣數十里喙邊有黃衆莫能識時有博物君子曰此

鵬雛也始飛焉故爲鷹所制文王乃厚賞獻者 漢書

曰孫寶爲京兆尹請故吏侯文爲掾立秋日文謂寶曰

今鷹隼始擊當順天氣成嚴霜之誅

詳立

增西京雜

記曰茂陵少年李亨好馳駿狗逐狡獸或以鷹鷂逐雉
兔爲之佳名鷹則有青翅黃眸青冥金距之屬鷂則有
從風鷂孤飛鷂 原東觀漢記曰鄧太后臨朝上林鷹
犬悉斥放之 魏志曰呂布因陳登求徐州牧不得布
怒登喻之曰登見曹公言待將軍譬如養鷹饑則爲用飽則揚
否則噬人公曰不如卿言譬如養鷹饑則爲用飽則揚
去布乃解 增搜神記曰魏黃初元年未央宮中有鷹
生燕巢中口爪俱赤 晉書曰虞潭字思奧會沈充等

逼京師潭起義軍至上虞有野鷹飛集屋梁衆懼潭曰

起大義而剛鷲之鳥來破賊必矣後如其言 酉陽雜

俎曰高帝一日高齊武平初領軍將軍趙野又獻白兔鷹一

聯 又曰齊主高緯武平六年得幽州行臺僕射河東

潘子光所送白鴿鷲鳥一變爲鴿詳後小註是爲上品 唐書曰太

宗初即位舊苑中有籠鷹悉斷聯任去良犬竝解綬放

之 又曰太宗謂侍臣曰李大亮可謂忠直矣朕遣使

至其所見有佳鷹諷令獻朕太亮因密表責朕云陛下

久絕畋獵而使者求鷹若是陛下之意深乖昔旨如其
自擅便是任使非人朕覽表嘉歎不能自己
有臣若是朕復何憂
又曰源乾曜爲京兆尹嘗有仗內白鷹因
縱逸遂失所在上令京兆切捕俄於野外獲之其鷹絳
於叢棘而死官吏相顧失色乾曜徐曰主上仁明當不
以此獲戾遂入自請失旨之罪上不問
永徽中萊州人劉聿性好鷹於界山懸崖自縊而下以取鷹雖欲至
巢而繩絕落於樹枝間下皆壁立進退無所據大鷹見

人銜肉不至巢所乃投肉下聿接取肉餒雛已外即自食之經五六十日雛能飛乃裂裳以繫鷹之足一臂上繫三聯透身而下鷹飛掣其兩臂比至澗底一無所傷仍繫鷹而歸 唐新語曰鄭繇善五言開元初岐山王範爲岐州刺史繇爲長史範失白鷹深所愛惜繇爲失白鷹詩當時以爲絕唱 五代唐安重誨爲樞密使夏州李仁福進白鷹重誨却之明宗陰遣人取入他日按鷹曰無使重誨知

鷹三

原創鵬誰

逐鳥雀

上詳鷹二孔氏志怪下詳鷹二左傳

春化

秋

吟

禮記曰仲春之月鷹乃學習孟秋之月鷹乃祭鳥用始行戮

秋吟斯可謂聲

猛氣

雄姿

傳休矣鷹賦曰含炎

之咆鳴獨飛時於林野分復徊翔於天

恥燕雀

截鵠鷺

傳

夷長歌行曰蒼鷹厲爪翼如與燕雀遊成

棲茂樹

擊中原

傳休

青

散素羽

華絆金環

傳休矣蜀都賦曰鷹則流星曜景奔電光青散素羽飄雪繁霜

傳朱夾鷹，載曰奮翅不得起，無其無

不搏 始擊鳥

所用第五米之華，并結琬環之金環

禮記月令 下詳 出鍾岱 生井陘

鍾岱之林野山出 下見孫楚賦

出籠 下鞬 雄飛 鮮食

鮮食 同也

刀鉞 羈絆 羽

以有距為刀鉞

載記曰慕容垂陷虜也，鐵刺射人，絕

則向之，遇風塵之會，必有凌霄之志，唯宜急其羈絆，不

可任其

匿形

礪吻 形

史驚鳥之擊必先逆

利鬣

長距 增決雲兒

凌霄君

天寶遺事曰：申王有鳥，麗

甚，父之每見，必置之駕前，目為決雲兒

本紀北齊

後主高緯，鷹犬皆有儀同郡君之號，鷹曰凌霄，即君食

碧霄萬里 羽文八卦 雀銚詩曰：天邊心膽亦頭

身欲振飛騰，未有因萬里

碧霄終一去不知誰是解條人
抱朴子曰八卦生鷹

隼之所被六甲出靈龜之所負說者謂鷹隼之羽火亦

有八卦

得霜

避暖朝野僉戴曰蘇味道才學識度

之象

薛魯鈍俱為鳳問侍郎或問郎中張元一曰蘇王執賢

答曰蘇九月得霜鷹王十月被凍蠅或問其故答曰得

霜鷹俊被凍蠅頑鈍杜詩序曰王監兵馬使云近

山黑白二鷹羅者久取竟未能得王以爲毛骨有異他

鷹思秋之甚渺不可見請予賦詩

鷹思秋之甚渺不可見請予賦詩

布氣鷹化爲鳩至於藏者猶憎其眼

經曰鸞鳴則祥弭角捕則角弭藏殺機也

毛格雙立理面毛藏頭睡長命之候也

毛名錦毛金脚李白詩曰八月秋風高胡鷹白錦

毛名錦毛金脚李白詩曰八月秋風高胡鷹白錦

毛名錦毛金脚李白詩曰八月秋風高胡鷹白錦

毛名錦毛金脚李白詩曰八月秋風高胡鷹白錦

毛名錦毛金脚李白詩曰八月秋風高胡鷹白錦

陽維祖曰齊高洋天保三年獲白兔鷹一聯不知所得之處合身毛羽如雪目色紫爪本白向末淺色蠟脰竝

黃當時號

捕虎

擒猴墨客揮犀曰鼓山有老僧云

為金脚

擒猴

曾登靈源洞見一禽自海上

至身大如牛翼廣二丈餘下於唾間低飛掠食俄攫一

羖羊乃望海而去識者云是虎鷹能捕捉虎豹呂次

儒義鷹記曰盱眙南陸氏畜猴雖歲久益老見婦女必跳

梁陸氏謀括之未施手而猴先驚避登屋比夜寂輒潛

下取飲食人動則引遁無如之何會少年自虔來臂負

蒼鷹陸氏告以猴害少年許為擒之即據高隅發鷹溝

鷹摩空下瞰猴伺鷹垂近舉瓦以打身鷹不能得即穿

雲以逝主客不知所為明日忽聞空中鈴聲仰瞻之乃

其鷹也方復搏翔下擊猴仍用前計鷹揚翮以過後一

鷹經至猴不疑也遂中其擒少年招得所臂鷹而遂擒

者委猴而去蓋少年

之鷹招之來助者也

代都赤

房山白

杜甫詩代北有豪鷹生子

毛盡赤酉陽雜俎曰代都赤生代川赤巖裏向虛丘中山白嶠飛又曰房山白者生代東房山白楊楸樹上

向范陽

金眸玉爪

錦文纈斑

上見杜甫詩下見魏彥深賦

大

曲小曲

青唐白唐

酉陽雜俎曰漁陽白生徐無及東西曲一名大曲小曲又曰白唐

唐者黑色也謂斑上有黑色赤斑唐青斑唐謂斑上有黑色也

鷹四

原受縲

縲絆也

畫壁

北齊廣陵王孝珩於廳壁畫蒼鷹見者以爲真

攫搏

厲疾

季冬鷙鳥厲疾

增五色

唐會要開元十一年同州進五色鷹

戴角

姜皎善畫

鷹杜甫姜楚公畫角鷹歌曰楚公

累變

酉陽雜俎凡鷙鳥等一變

畫鷹厲戴角殺氣森森到幽朔

爲鵠二變爲鵠轉鵠三變爲正

三時

酉陽雜俎取鷹

爲上時內地者多塞外者殊少八月上旬

停放

酉陽

爲次時八月下旬爲下時塞外鷹畢至矣

鷹四月一

出籠酉陽雜俎鷹五月上旬拔

積怒剛

日停放

毛入籠八月中旬出籠

生裴氏新書虎豹無事行步者若將不勝其軀鷹

見

形高飛

陶弘景曰虎聞聲而

深伏鷹見形而高飛

鷹五

原詩晉張華遊獵篇曰如黃批狡兔青骹撮飛雉鵠鷺

不盡收小鳥安足視

隋煬帝詠鷹詩曰遷朔欲之衡

忽投爵羅裏既以羈華絆仍持獻君子青骹固絕儔素
羽誠難擬深目表茲稱閭臆斯爲美驚獸不及奔猜禽
無暇起雖蒙韝上榮無復凌雲志 增唐鄭絲失白鷹

詩曰白錦文章亂丹霄羽翮齊雲中呼暫下雪裏放還
迷梁苑驚池鷺陳倉拂野雞不知寥廓外何處獨依棲
高適臂鷹詩曰寒楚十二月蒼鷹八九毛寄言燕雀

莫相嗔

一作忌

自有雲霄萬里高

杜甫王兵馬使二角

鷹詩曰悲臺蕭瑟石龍從哀壑杈枒浩呼洶中有萬里

之長江迴風滔日孤光動角鷹翻倒壯士臂將軍玉帳
軒勇氣二鷹猛腦條徐墜目如愁胡視天地杉雞竹兔
不自惜孩虎野羊俱辟易韞上鋒稜十二副將軍勇銳
與之敵將軍樹勲起安西崑崙虞泉入馬蹄白羽曾肉
三狡獪敢決豈不與之齊荆南芮公得將軍亦如角鷹
下翔雲安得爾輩開其羣驅出六合梟鸞分 又白鷹
詩曰雪飛玉立盡清秋不惜奇毛恣遠遊在野只教心
力破於人何事網羅求一生自獵知無敵百中爭能恥

下鵠鵬疑九天須却避免經

一作藏

三窟莫深憂

又黑

鷹詩曰黑鷹不省人間有度海疑從北極來正翮搏風
超紫塞玄冬幾夜宿陽臺虞羅自覺虛施巧春鴈同歸
必見猜萬里寒空只一日金眸玉爪不凡材 白居易

放鷹詩曰十月鷹出籠草枯雉兔肥下鵠隨指顧百擲
無一遺鷹翅疾如風鷹爪利如錐取其向背性制在饑
飽時不可使長飽不可使長饑饑則力不足飽則背人
飛乘饑縱搏擊未飽須繫維聖明馭英雄其術亦如斯

柳宗元籠鷹詞曰淒風淅瀝飛嚴霜蒼鷹上擊翻曙

光雲披霧裂虹蜺斷霹靂掣電捎平岡砢然勁翮翦荆
棘下攫狐兔騰蒼茫爪毛吻血百鳥逝獨立四顧時激
昂 呂溫籠中鷹詩曰未用且求安無猜也不殘九天
飛勢在六月目睛寒動觸樊籠倦閑消肉食難主人憎
惡鳥試待一呼看 劉禹錫養鷺詞曰途逢少年志在
逐獸方呼鷹隼以襲飛走因縱觀之卒無所獲行人有
常從事於斯者曰夫鷺禽饑則爲用今哺之過篤故也

余感之作養鷲詞曰養鷲非翫形所資擊鮮力少年昧

其理日夜哺不息探雛網黃口旦暮有餘食寧知下韝

時翅重飛不得毳毼止林表狡兔自南北飲啄既已盈

安能勞羽翼 又白鷹詩曰毛羽嫵爛白紵裁馬前擎

出不輕猜輕拋一點入雲去喝殺三聲掠地來綠玉觜

啗雞腦破烏金爪擘兔心開都緣解搦生靈物所以人

人道俊哉 竇鞏新羅進白鷹詩曰御馬新騎禁苑秋

白鷹來自海東頭漢皇無事須游獵雪亂驚飛錦臂韝

章孝標鷹詩曰星眸未放瞥秋毫頻掣金鈴試雪毛
會使老拳供口腹莫辭親手啖腥臊穿雲自怪身如電
煞兔誰知吻勝刀可惜忍饑寒日暮向人鷗斷碧絲條

舊註鷗知咸切鳥啄食也

又饑鷹詞曰遙想平原兔正肥千迴礪

吻整毛衣縱令啄解絲條結未得人呼不敢飛 南唐

高越詠鷹詩曰雪爪星眸世所稀摩天專待振毛衣虞
人莫謾張羅網未肯平原淺草飛 吳越羅隱鷹詩曰

越海霜天暮辭韜野草乾俊通司隸職嚴奉武夫官眼

惡藏鋒在心粗逐物殫近來脂膩足驅遣不妨難 閩

徐夔鷹詩曰害物傷生性豈馴且宜籠罩待知人惟擒
燕雀啖腥血却笑鸞皇啄翠筠狡兔穴多非爾識鳴鳩
脰短乏君身豪門不讀詩書者走馬平原放翫頻 宋

張耒籠鷹詞曰八月穫黍霜野空蒼鷹羽齊初出籠劒
翎鈎爪目如電利吻新淬龍泉鋒少年臂爾平郊去草
動人呼躍寒兔竦身下擊霹靂忙毛逐奔風血濡距爾
能搏兔不能食未飽中腸行復擊主人厭兔爾尚饑一

生不悟爲人役蒿間黃雀鳴啾啾饑啄野粟心無求賦
形雖小技能薄不受羈縻却自留 明沈周鷺鳥行曰
東海鷺禽身幹小毛緊骨聳睛皎皎就溝飽飼十年肉
要與郢都同一考掌中久矣無駕鵝報主但未呈臬慄
壤間鴟鼠坐齷齪何足當拳乃輕撓拙鴟以逸待爾勞
竭力睢盱仰張爪捽頭陷目出不備兩點華星光莫曉
嗚呼勇不可恃志不可盈拙鴟瞠目笑爾盲爾鷺不復
言功臣

原賦晉傳休奕鷹賦曰左看若側右視如傾勁翮二六

機連體輕鈎爪懸芒足如枯荆觜利吳戟目穎星明雄

姿邈世逸氣橫生 孫楚鷹賦曰有金剛之俊鳥生井

陁之巖阻超萬仞之崇巔蔭青松以靜處體勁悍之自

然振肅肅之輕羽擒狡兔於平原截鴻雁於河渚且其

爲相也疎尾闊臆高髻禿顙深目蛾眉狀似愁胡曲觜

短頸足若雙枯麾則應機招則易呼背碣石以西遊經

馬嶺而南徂於時商秋既邁歲在玄冥風霜激厲羽毛

振驚爾乃策良驥服羔裘韞青骹戲田疇紫深谷繞山
丘定心意審精眸獸馳歛足鳥矯其翼下赴幽谿上翔
辰極隨指授以騰踴因升降以畢力紛連薄以撓竄遂
陷首以摧臆 隋魏彥深鷹賦曰唯茲禽之化育實鍾

山之所生資金方之猛氣擅火德之炎精何虞者之多
端運橫羅以羈束綴輕絲於雙臉結長皮於兩足飛不
遂於本情食不充於所欲逸翰由而暫斂雄心爲之自
局若乃貌非一種相乃多途指重十字尾貴合廬立如

植木望似愁胡觜同利劒脚等荆枯亦有白如散花赤

如點血大文若錦細斑似纈眼類明珠毛猶霜雪身重

若金爪剛如鐵或復頂平似削頭圓如卵臆闊頸長筋

麤脰短翅厚羽勁髀寬肉緩求之事用俱爲絕伴或似

鵠頭或似鷄

一作鷄

首赤精黃足細骨小肘嬾而易驚奸

而難誘住不可呼飛不及走若斯之輩不如勿有若夫

疾食速消此則有命免頸猴立是爲無病廁門忌大結

肚惡軟條不宜絕背不宜喘生於窟者則好伏巢於木

者則常立雙較長者則起遲六翮短者則飛急毛衣屢
改厥色無常寅生酉就總號爲黃二周作鵠千日成蒼
雖曰排虛性殊衆鳥雌則體大雄則形小遇犬則驚猜
得人則馴擾養雛則少病野羅則多巧察之爲易調之
實難格必高迴屋必華寬薑以取熱酒以排寒鞫須溫
暖肉不陳乾近之令狎靜之使安晝不離手夜便火宿
微加其毛少減其肉肌羸腸瘦心和性熟念絕雲霄志
在馳逐 增唐人蒼鷹賦曰散以瑤光之彩來自鍾巖

之丘周官以司寇比德漢氏以將軍作儔鈎成利甬電
轉奇眸蒼姿疊色黝距聯鞬 張莒放龍鷹賦曰雕籠

永閉念受紕之多虞金架爰辭俾凌風而得路由是縱
逸翰於寥廓釋猛志於局固捨靈檻而方銳歷秋林而
上征乍遂翻空出君門而不返遙憐厲吻過宮樹而猶
驚 唐人白鷹賦曰含情履潔象君之節厲吻鈎銳凜
毛玉截遷河陽之喬木一點清花映武城之瑤琴孤飛
春雪

增贊唐蘇頲雙白鷹贊曰開元乙卯歲肅慎扶餘貢白鷹一雙皆皓如練色斑若綵章積雪全映飛花碎點所謂金氣之英瑤光之精高髻偉臆長距秀頸奮發而銳堅剛則厲摩天絕海雷擊颺逝觀其行時令順秋殺指揮應捷顧盼餘雄當落鵬之賞茂仇鷄之敵實稀代之尤也敢稱贊曰鷹之大者精明竦俊勁而橫絕雄則遠振錦文素彩珠聯玉潤往乃奮威將軍所徇鷹之次者勇銳光芒絕海而至乘風載揚絡以紅點文其彩章下

講必中惟吏之良

鷓鴣一

原爾雅曰鷓負雀鷓也

廣雅曰籠脫鷓也

詩義問

曰晨風今之鷓

餘說並以鷓爲晨風

詩義疏曰雉鷓也齊人謂

之題肩或曰雀鷹春化爲布穀此屬數種皆爲雉

莊

子曰鷓爲鷓鷓爲布穀布穀復爲鷓此物變也

增本

草釋名曰鷓鷓二字篆文象形一云鷓其聲也鷓攫物

如射也雉擊物準也鷓目擊遙也詩疏云雉有數種通

稱爲鷓爾雅謂之茅鷃齊人謂之擊正或謂之題肩梵

書謂之阿黎耶 本草集解曰鷃似鷹而稍小其尾如

舵極善高翔專捉雞雀鷃類有數種按禽經云善搏者

曰鷃竊黝者曰鷃骨曰鷃瞭曰鷃展曰鷃奪曰鷃又云

鷃生三子一爲鷃鷃小於鷃而最猛捷能擊鷃鷃亦名

鷃子一名籠脫鷃色青向風展翅迅搖搏捕鳥雀鳴則

大風一名晨風鷃小於鷃其脰上下亦取鳥雀如攘掇

也一名鷃子隼鷃雖鷃而有義故曰鷹不擊伏隼不擊

胎鵲握鳩而自暖乃至旦而見釋此皆殺中有仁也

小雅采芑注曰隼鷃屬說文直作爲鷃 孔穎達曰隼

者貪殘之鳥鷃鷃之屬玉篇云祝鳩也 春秋考異郵

曰陰陽氣貪故題肩擊宗均注曰題肩有爪芒爲陽中

陰故擊殺也 郊子曰虎之搏噬也疑隼之搏噬也隼

鷹之搏噬不能無失獨隼爲有準故每發必中 原周

易曰公用射隼於高墉之上 毛詩曰鳩彼飛隼其飛

戾天 增又曰鳩彼飛隼率彼中陵 埤雅曰言中陵安

靜中正此隼之所

以率也
率循也

原周官考工曰鳥旗七旂

鳥隼爲旗

焦貢易林

无妄之明夷曰千雀萬鳩與鷄爲仇威勢不敵爲鷹所

擊

增法言曰鷹隼

戔戔言攫撮急疾

倦游記曰鷺隼不

接翼

鷄二

原國語曰仲尼在陳有隼集於庭而死楛矢貫之以問
仲尼仲尼曰昔武王克商所得也 烈士傳曰魏公子

無忌方食有鳩飛入案下公子使人顧望見一鷄在屋

上飛去公子乃縱鳩鷦逐而殺之公子暮而不食曰鳩
避患歸無忌竟爲鷦所得吾負之爲吾捕得此鷦者無
忌無所愛於是左右宣公子慈聲旁國左右捕得鷦二
百餘頭以奉公子公子欲盡殺之恐無辜乃自按劍至
其籠上曰誰獲罪無忌者耶一鷦獨低頭不敢仰視乃
取殺之盡放其餘名聲流布天下歸焉 增唐書曰太
宗得鷦絕俊異私自臂之望見魏徵乃藏於懷公知之
遂前白事語久帝惜鷦且死而素嚴敬徵欲盡其言徵

語不時盡鷄死懷中 又曰楊德幹高宗朝爲萬年令
有宦官恃貴寵放鷄不避人禾稼德幹擒而杖之悉拔
其鷄頭宦者袒背涕泣以示於帝帝竟不之問 通鑑
曰劉齊賢爲晉州司馬將軍史興宗嘗從上獵苑中因
言晉州產佳鷄請使捕之上曰劉齊賢豈捕鷄者耶卿
無以此待之

鷄三

原載飛

始擊

詩鴝彼飛隼載飛載揚 立秋
日侯文曰今日鷹隼始擊詳鷹

逐鳥

爲鷓

上詳鷹二左傳下詳鷓二莊子

爲旗

貫矢

上見鷓一周官考工楷矢貫

之詳國語

增束翅

復翎

盧氏雜說曰李藹應舉時勤敏絕人號束翅鷓子西陽雜俎

曰鷓子兩翅各有復翎左名撩風右名掠草帶兩翎出獵必當獲

獻雉

捉雀

唐書曰武

德初萬年縣法曹孫伏伽以三事諫其一曰陛下二十日龍飛二十一日有獻鷓鴣者此乃前朝之弊風何忽

今日行之

爾雅曰鷓

負雀注云鷓也善捉雀

鷓四

原鷓披隼翼

鳩避隼患

列士傳詳鷓二

增憫胎

譚子烏反哺仁也隼

憫胎義也蜂有君禮也羊跪乳智也雉不再接信也蓋隼之擊物過懷胎者輒釋不戮也

好翔

雅

鷹好時
隼好翔

辟蛟螭

宣室志薛嵩鎮魏時鄴人好育鷹隼者市人持鷹來售較其所育者皆莫

及其神俊常臂玩不釋後有外國人見請以繒百餘爲直鄴人念此不知其用其人曰此海鷗也能辟蛟螭患先是鄴城南陂蛟常爲人患有年矣鄴人遂持往鷗忽投陂水中頃之乃出得一小蛇既出食之且盡自是鄴永無其患

裹紙囊

北夢瑣言唐薛昭緯銜命梁園朱溫宴接款曲一日語及鷹鷗薛甚言鷗鳥之

俊溫欣然謂其曾放弄歸館後傳送鷗子一頭薛對使戒僮僕曰令公所賜直須愛惜裹以紙囊安鞵袋中使人失笑聞於使衙

鷗五

增詩唐耿漳進秋隼詩曰豈悟因羅者迎霜獻紫微夕

陽分素臆秋色上花衣舉翅雲天近迴眸燕雀稀應隨
明主意百中有光輝 宋梅堯臣觀放鷄詩曰白晳少
年子秋郊臂蒼隼日暖饑目開風微雙翅緊草際鳴鷄
驚蒿間黃雀窘下韝誠必獲得雋還虛哂碎腦此非辜
食肉爾何忍取樂在須臾我心良惻憫

原賦魏曹植鷄雀賦曰鷄欲取雀雀自言雀微賤身體
些小肌肉瘠瘦所得蓋少君欲相噉實不足飽鷄得雀
言初不敢語頃來輒軻資糧之旅三日不食略思死鼠

今日相得寧復置汝崔得鷄言意甚怔營性命至重崔
鼠貪生君得一食我命是傾皇天降鑒賢者是聽鷄得
崔言意甚怛惋當死弊崔頭如果蒜不早首服列頸大
喚行人聞之莫不往觀崔得鷄言意甚不移目如擘椒
跳蕭二翅我當死矣略無可避鷄乃置崔良久方去二
崔相逢似是公嫗相將入草共上一樹仍共本末辛苦
相語向者近出爲鷄所捕賴我翻捷體素便附說我辯
語千條萬句欺恐舍長令兒大怖我之得免復勝於兔

自今從意莫復相妬 增唐敬騫射隼高墉賦曰長墉
崇崇直直若雲峙飛隼眈眈倏隨風止曾不料其微陋焉
更知其休否 唐武少儀射隼高墉賦曰心耿介以騰
躍毛斑斕而披文擊每依於素節翔亦致乎青雲

鵬一 鷲附

增本草釋名曰禽經云鷹以膺之鵠以捐之隼以尹之
鵬以周之鷲以就之鷲以搏之皆言其搏擊之異也梵
書謂之揭羅閣 本草集解曰鵬似鷹而大尾長翅短

土黃色鷲悍多力盤旋空中無細不覩皂鵬即鷲也出
北地色皂青鵬出遼東最俊者謂之海東青羗鷲出西
南夷黃頭赤目五色皆備鵬類能搏鴻鵠獐鹿犬豕又
有虎鷹翼廣丈餘能搏虎也鷹鵬雖鷲而畏燕子物無
大小也其翮可爲箭羽劉郁西域記云皂鵬一產三卵
者內有一卵化犬短毛灰色與犬無異但尾背有羽毛
數莖耳隨母影而走所逐無不獲者謂之鷹背狗 埤
雅曰鵠性勁利鵬性刻制 又曰鵬能食草其飛上薄

雲漢 通典曰鵬入海化爲城作馬勒謂之珂 顏氏

曰鵬一名鷖其翮可用爲箭蓋鵬隼六翮乘風輕勁故

堪以爲箭 穆天子傳曰春山爰有青鵬執犬羊食鹿

豕 山經曰景山多鷖 說文曰鷖鳥黑色多子師曠

云南山有鳥名曰鷖黃頭赤目五色皆備 漢書曰有

斗入漢地直張掖郡生奇材箭竿就羽如得之於邊甚

饒注就大鵬也其羽可爲箭竿 南史曰波斯國有土

山連接甚遠中有鷖鳥牧羊土人極以爲患 西域諸

國記曰耆嶺山在王舍城北四里山有兩崖鷲鳥常居其顛土人號爲靈鷲山也 林邑國記曰西南遠界有靈鷲鳥能知吉凶覘人將死食尸肉盡乃去家人取骨燒爲灰投之漲海

鵬二

增列子曰黃帝與炎帝戰於阪泉之野帥熊羆狼豹羆虎爲前驅鵬鶚鷹鳶爲旗幟此亦力使禽獸者也 漢書曰武帝使中貴人從李廣擊匈奴射傷中貴人廣曰

是必射鵬者也廣射殺二人生得一人果射鵬者也

後魏書曰秦王幹機悟壯勇善弓馬太宗出遊白登之
東北幹以騎從有雙鵬飛於上太宗命左右射之莫能
中鵬旋飛稍高幹自請射之以二箭而下雙鵬太宗嘉
之賜御弓矢金帶以旌其能軍中於是號爲落鵬都尉
北齊書曰斛律光嘗從世宗於洹橋校獵見一大鳥
雲表飛颺光引弓射之正中其頸此鳥形如車輪旋轉
而下至地乃大鵬也世宗取而觀之深壯異焉丞相屬

邢子高見而歎曰此射鵬手也當時號落鵬都尉 隋

書曰長孫晟送千金公主於牙前突厥攝圖見晟而獨

愛焉每共游獵竟歲嘗有二鵬飛而爭肉因以兩箭與

晟曰請射取之晟乃彎弓馳往遇鵬相攫遂一發而雙

貫焉攝圖喜令諸子弟貴人皆親昵之以學彈射 唐

書曰高駢事朱叔明爲司馬有二鵬竝飛駢曰我且貴

當中之一發貫二鵬焉 錄異記曰東學山前有神鵬

一窠常護洞門人或侵犯者神鵬擊之立致殞斃古有

道流刻五石人致於山上民有鋤禾者爲鵬所驚走避
於石人之下置笠於石人頭上鵬即擊之石人頭殞於
今見在其山下

鵬三

增詩宋石曼卿詩曰騰凌千里見纖毫勁翮稍稍度海
濤霜草獸驚斜電落水天鴈盡片雲高閒聲帶晚飛無
敵銳氣橫秋轉不毛得奉長楊帝王事願將餘力逞平
皋
元劉因白海青詩曰扶餘玉爪舊曾聞青鳥猶沾

海氣昏掌上風標有如此眼中神駿更憐君平蕪未灑
頭鵝血春水誰開獵騎門過雁昏鴉莫回首霜拳高興
在空雲 袁易白海青詩曰渺渺東溟刷羽翰乍隨天
馬萬人觀孤飛雪點青雲破一擊秋生玉宇寬賜予豈
將追鴈鶩驅除直欲辨臬鸞江南明月難同色夢想瑤
階白露漙

增賦唐杜甫鵬賦曰夫其降精於金立骨如鐵目通於
腦筋入於節架軒楹之上純漆光芒掣棟梁之間寒風

凜烈雖趾躋千變林嶺萬穴繫藁薄之不開宸杈枒而
皆折

增表唐杜甫進鵬賦表曰臣以爲鵬者鷖鳥之特殊搏
擊而不可當豈但壯觀於旌門發狂於原隰引以爲類
是大臣正色立朝之義臣竊重其有英雄之姿故作此
賦

鷖

增禽經曰鷖鳥之善搏者曰鷖竊黝曰鷖

華注鷖大鳥
人見而悚愕

也

詩睢鳩一名王睢一名鵽江東呼爲鵽食魚鵽

而有別 陸佃曰鵽鵽鳥鵽類一名睢鳩鵽而有別者

又善捕魚性好峙故立不移處所謂鵽立者義取諸此

郊子謂睢鳩氏司馬以其鵽而有別也故主法制 本

草釋名曰鵽狀可愕故謂之鵽其視睢健故謂之睢能

入穴取食故謂之下窟鳥翱翔水上扇魚令出故曰沸

波禽經云王睢魚鵽也尾上白者名白鵽 本草集解

曰鵽鵽類也似鵽而土黃色深目好峙雄雌相得鵽而

有別交則雙翔別則異處能翱翔水上捕魚食江表人
呼爲食魚鷹亦噉蛇詩云關關雎鳩在河之洲即此禽
經云鳩生三子一爲鶚鳩尸鳩也杜預以王雎爲尸鳩
或以此也 倉頡解詁曰鶚金喙鳥也見則天下兵能
擊殺麋鹿 鄒陽諫吳王曰鶚鳥累百不如一鶚

孔融
薦禰

銜樊準薦龐參孫權令
呂蒙討廬陵賊語皆同

李華嘗目異鳥擊豐狐於中

野雙睛耀宿六翮垂雲迅猶電馳厲若霜殺吻決肝腦
爪刻腎腸昂藏自雄倏歛而逝問名於耕者對曰此黃

金鶚也

元史曰王鶚始生有大鳥止於庭鄉先生張

大淵曰鶚也是兒豈有大名乎因名之幼聰悟日誦千

餘言長工詞賦

增詩宋司馬光魚鷹詩曰翩然下林表不憚風湍急得
雋且高飛爲君羞搏擊 宋歐陽脩魚鷹詩曰日色弄

晴川時時錦鱗躍輕飛若下韝豈畏風湍惡人歸晚渚

靜獨傍漁舟落

曾鞏一鶚詩曰北風萬里開蓬蒿山

木洶洶鳴波濤嘗聞一鶚今始見眼俊骨緊精神豪天

昏雪密飛轉疾暮略東海朝臨兆社中神狐倏閃內腦
尾分磔垂弓橐巧兔獐雞失草木勇鷲一下崩其毛窟
穴呦呦哭九子帳前活送雙青猱啁啾燕雀誰爾數駭
散亦自亡其曹勢疑空山竭九澤殺氣已應太白高歸
來礫鬼載俎豆快飲百觔行春醪酒酣始聞壯士歎丈
夫試用何時遭

增賦唐楊弘真一鶚賦曰卓彼雄姿凜乎壯觀或危石
以礪吻或高柯而整翰搏鳩之隼不敢飛揚逐燕之鷗

望而伏竄

鵲一

增埤雅曰鵲有義性 又曰鵲拳堅處大如彈丸俯擊

鳩鴿食之鳩鴿中其拳墮空中即側身自下承之捷於

鷹隼或以爲隼即鵲非也禽經謂鷹以膺之鵲以捐之

隼以尹之則是三類矣 禽經曰鷹不擊伏鵲不擊妊

雜俎曰鵲生三子一爲鴟 隋書曰劉景字居士爲

太子千牛備身聚徒任俠不遵法度黨與三百人其趨

捷者號爲俄鵲隊 朝野僉載曰唐太宗養一白鵲號

白將軍取鳥常驅至殿前然後擊殺故名落鴈殿上恒
令送書從京至東都與魏王仍取報日往返數迴 又

曰滄州東光縣寶觀寺常有蒼鵲集重閣每有鵲數千

鵲冬中每夕即取一鵲以暖足至曉放之而不殺其餘

鴈鵲莫敢侵之 言行錄曰王素嘗與同列奏事事有

不合衆皆引去惟素論列是非得旨方退議者目爲獨

擊鵲 東齋記事曰范蜀公見二鵲擲卵相上下接之

蓋習飛也其胎教之意乎

鵲二

增詩唐杜甫義鵲行曰陰崖有蒼鷹養子黑柏顛白蛇
登其巢吞噬恣朝餐雄飛遠求食雌者鳴辛酸力彊不
可制黃口無半存其父從西歸翻身入長煙斯須領健
鵲痛憤寄所宣斗上捩孤影嗷哮來九天脩鱗脫遠枝
巨穎折老拳高空得蹭蹬短草辭蜿蜒折尾能一掉飽
腸皆已穿生雖滅衆雛死亦垂千年物情有報復快意

貴目前茲實鷲鳥最急難心炯然功成失所往用舍何
其賢近經滴水湄此事樵夫傳飄蕭覺素髮凜欲衝儒
冠人生許與分只在顧盼間聊爲義鷲行用激壯士肝
又呀鷲行曰病鷲卑飛俗眼醜每夜江邊宿衰柳清
秋落月已側身過鴈歸鴻錯回首緊腦雄姿迷所向疎
翮稀毛不可狀彊神迷復阜鷲前俊才早在蒼鷹上風
濤颯颯寒山陰熊羆欲蟄龍蛇深念爾此時有一擲失
聲賤血非其心 賈島病鷲吟曰俊鳥還投高處栖騰

聲憂憂下雲梯有時透霧凌空去無事隨風入草迷迅
速月邊捎玉兔遲迴日裏拂金雞不緣毛羽遭零落焉
肯雄心向爾低 濮陽瓘出籠鵲詩曰玉鏃分花袖金
鈴出綵籠搖心長捧日逸翰鎮生風一點青霄裏千聲
碧落中星眸隨狡兔霜爪落飛鴻每念提攜力常懷搏
擊功以君能惠好不敢沒遙空 宋梅堯臣普淨院佛
閣上孤鵲詩曰我新稅居見寺閣金碧照我破屋前日
看閣上聚鳩鵲巢棲飲哺無窮年雕檐畫壁屎汙徧以

及像塑頭與肩寺僧不敢施彈射忽有蒼鶻張毒拳鴉
鳴鵲噪鸛鵒呌怒鵲遭此窺腥膻鵲心決裂不畏衆督
碎一腦驚後先死烏墮空未及地反翅下取如風旋獨
當屋脊恣撻磔啄肉披肝腸棄捐老鷗無藝又恨怯盤
飛欲近饑目穿逡巡鵲飽自飛去爭殘不辨烏與鷗群
兒指點路人笑我方吟憶秋江邊 王安石詩曰依倚
秋風氣象豪似欺燕雀在蓬蒿不知羽翼青冥上腐鼠
相隨勢亦高

增賦唐李邕鵠賦曰伊鷺鳥之雄毅有俊體之超特意
凝緩而無營體閑整而自得 高適和李邕鵠賦曰夫
何鵠之爲用置之則已縱之無匹懷果斷之沉潛任情
性之敏疾頭小而銳氣雄而逸邈耿介以凌霜目精明
而點漆

增序唐張九齡鷹鵠圖序曰鳥之鷺者曰鷹曰鵠鷹也
者名楊於尚父義見於詩鵠也者迹隱於古人史闕其
載豈昔之多識物亦有遺將今而嘉生材無不出爲所

呼之變與所記不同者耶然於羽族之中絕有豪傑之
表氣感剛悍體侔銛鋒顧視之間偉如也夫授以勁翮
意不羣飛資其利觜義在鮮食生有自然之權用無可
抑之勢古之武士法吏齊名比義者以其嚴若郅都飛
若李廣委質於所事報功於所養不憚摧翼以虧勇不
立垂枝而屈節是鳥也向之擬議不亦宜乎

增說唐柳宗元鵲說曰有鷩曰鵲者巢於長安薦福浮
圖有年矣浮圖之人室於其下者伺之甚熟爲余說之

曰冬日之夕是鵲也必取鳥之盈握者完而致之以燠其爪掌左右易之旦則執而上浮圖之跂焉乃縱之延其首以望極其所如往必背而去之焉苟東笑則是日也不東逐西南北亦然嗚呼孰謂爪吻毛翮之物而不爲仁義器耶

御定淵鑑類函卷四百二十二